



सानसेयारि 'बड'सा' ख्रौलाइयाव अमाज्यादि जिज्जो लोब्बा थानाय रायथाय, अन्थाय, अल', अल'बाथा आरु दावबायादि थावनि, पार्क बाइदिनि सायाव लिबनाय लिबिदां दैथाय हर/ सानसेयारि 'बड'सा' ख्रौलाइयाव खेबखानावै फोस्रावगोब/

बड'सायाव लिबनायनि हुइ खालाम, 'बड'सा' ख्रौ नोथां, जौ बयबो आंगो खालाम।

सानसेयारि 'बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Thursday ★ 2 January, 2025 Kokrajhar, BTC, Assam ★ Vol.-33, Issue No. 276 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

## गं 56 गोदान इलेक्ट्रिक बास सिबिथायजों लोगोसे खानापाराआव गोदानै लुनाय राइज्योआरि थाखोनि बास टर्मिनेल बेखेवदों

### इलेक्ट्रिक बास बिसिथाय होनायनि बिथिडाव आसामा हादतनि गेजेरावनो 6 थि जायगा आवग्रिनो हादों: गिबि मन्थि

दिसपुर, 1 जानुवारी: राइज्योयाव लामा हान्थामेला राहाखौ मोजांसिन खालामनायजों लोगोसे साखोन-सिखोन आरो गोथां गोहो बाहायनायनि गेजेरजों आबहावा लोगोयारि बास सिबिथायखौ बांसिन खारथाय होनायनि थांखिजों गिबि मन्थि उ हिमन्त बिश्व शर्माआ गोदान बोसोर जागायजे न्नाय सानखालिनो गुवाहाटी नोगोरमानि थाखाय गं 56 गोदान इलेक्ट्रिक बास सिबिथायखौ बोखोवनानै होनायजों लोगोसे खानापाराआव गोदानै लुनाय राइज्योआरि



थाखोनि बास टर्मिनेलखौ होनायनि गेजेरजों आबहावा लोगोयारि बास सिबिथायखौ बोखोवनानै होनायजों लोगोसे खानापाराआव गोदानै लुनाय राइज्योआरि

गोदान बिथि सोदानायजों गं 56 एसि इलेक्ट्रिक बास सिबिथायखौ बेखेवनाय जायो। साखोन-सिखोन, गोथां आरो खाबजाथाव इयुननि फासँ आसाम सरकारनि बिबानखौ फोरमार्थिनानै आबहावा सोलायनायनि गोहोमखौ बाइइ खालामनायनि गेजेरजों आबहावा लोगोयारि राहानि गेजेरजों

(□ 6 बिलाइआव)

## 2025 गोदान बोसोराव आसाम सरकारनि गिबि केबिनेट जथुम

### गामियारि ओसोल जौगाथाय आरो हान्था-मेला राहाखौ जौगाहोनायनि थांखि आजावदों

गुवाहाटी, 1 जानुवारी: गिबि मन्थि उ हिमन्त बिश्व शर्मानि दैदेन्याय दिने गुवाहाटीआव आसाम सरकारनि मोनसे केबिनेट जथुम जानानै थाडे। दिने गोदान बोसोरनि गिबि सानावनो आसाम केबिनेट जथुमखौ लानाय जादों। बेयो 2025 माइथायव आसाम सरकारनि गिबि केबिनेट जथुम दिनेनै बे केबिनेट जथुमाव गोबांथार गोनां थांखिफोरखौ आजावनानै लादों आसाम सरकारआ। मख'जाथावदि, दिनेनै बे केबिनेट जथुमनि गेजेरजों आजावनाय थांखिफोरनि गेजेराव गामियायरि आसोल फोजोखानाय, हान्था-



मेला राहा जौगाहोनाय, मोनफोमबो नख'राव गोगो लोंग्रा दै जगायनायखौ रोखा खालामनाया मख'जाथाव। गामियायि जौगाथाय आरो दिनेनै बे केबिनेट जथुमाव हान्था-मेला जौगाथायनि आजावनाय थांखि बादियै (□ 6 बिलाइआव)

## गोदान बोसोरनि गिबि सानखालि गाहाम हास्थायनानै बिटिसिनि बुंथिगिरि कातिराम बर'आ बाथौ आर'जआव बाहागो लादों

कक्राझार, 1 जानुवारी: इंग्रजी गोदान बोसोर 2025 नि दिने गिबि सान एबा 1 जानुवारी। गोदान बोसोरनि गिबि सानजों लोब्बा लाखिनानै दिने कक्राझार सहरनि बागानसालियाव थानाय कक्राझार टाउन बाथौ थानसालियाव मुलुग गोजोन आरो सुबुं अन्साइनि थाखाय जथाय आर'ज गाबनाय हाबाफारि खुंनय जायो। मख'नो गोनांदि दिनेनै बे



हाबाफारियाव बिटिसिनि बुंथिगिरि कातिराम बर', मावफुं सोद्रोमा उ निलुत स्वर्गियारी, एमसिएलए पबित्र बर'जों लोगोसे बर' कछरी अन्साइ गावखुंथाय हायुनि मावफुं सोद्रोमा प्रनब बर'आ बाहागो (□ 6 बिलाइआव)

## गोदान बोसोरनि गिबि सानाव राइज्यो बेंगिरिया गुबुन गुबुन मन्दिरफोराव फुजा खालामदों

### आसामनि गासै सुबुंफोरनि थाखाय आर'ज गाबदों

गुवाहाटी, 1 जानुवारी: इंग्रजी गोदान बोसोर 2025 माइथायनि दिने गिबि एबा सेथि सान। गोदान बोसोरनि समाव गोदान मिजिं लानानै दुलाराय बुहुमनि सुबुंफोरनो गाव गावनि मिजिं, थांखि आरो हास्थायनायफोरखौ जाफुंसार जानांगौनि थाखाय इशोरनाव आर'ज गाबदों, (□ 6 बिलाइआव)



## गिबि मन्थिआ पल्टन बाजाराव फुट अभाबरिजजों लोगोसे भारतरत्न गपिनाथ बरदलैनि मांखरसालि 'सान्तिस्थल'खौ बेखेवदों

दिसपुर, 1 जानुवारी: गोदान बोसोरनि गोदान थुलुंगार्जों राइज्योनि जौगाथायखौ मोनसे जर'खा थाखो होनायनि थांखिजों गिबि मन्थि उ हिमन्त बिश्व शर्माआ दिने गुवाहाटी नोगोरमानि पल्टन बाजाराव फुट (□ 6 बिलाइआव)



## शिलगाराआव सिखाजों गाग्लोबनाय जाथायाव नख'र सेनिनो साथाम सोद्रोमाफोरनि जोखोम



कक्राझार, 1 जानुवारी: कक्राझार जिल्लानि शिलगारनि पुखुरिपारा 4 थि खोन्दोयाव मैया हराव न'सुसेनि नख'रनि गाग्लोबनायाव गंसे नख'रनिनो बिमा-बिफा आरो फिसाज्ला गासै साथाम सुबुंफोरनि जोखोम जानाय जाथाया जिल्लायव गोजोन गैथै थासारि सोमजिहोदों। न'सुसेनि गाग्लोबनायाव गोब्राबै जोखोम जानाय सुबुंफोर जादों फारिये- सिमना रैखाथि हान्जानि बारा' मावफारिया सुरेश चन्द्र बर्मन (79), बिथानि बिसि सुरजनि बर्मन (65) आरो फिसाज्ला दिपाकर बर्मन (81)। साथामबो खर', आका, खोमा बायदि जायगाफोरावगोब्राबै जोखोम जादों आरो दासान्दि कक्राझार रुपनाथ ब्रह्म राइजोआरि (□ 6 बिलाइआव)

## सुकलाइनि जोहोलावपुरि पार्कआव गोदानै लुफुंनय हारिमुआरि जौसांखौ बिश्वजित दैमारीआ बेखेवबाय

तामुलपुर, 1 जानुवारी: तामुलपुर जिल्लानि सिडाव थानाय सुकलाइनि जोहोलावपुरि पार्कआव गोदानै लुफुंनय हारिमुआरि जौसांखौ दिने बेखेवबाय। हाबाफारियाव आसाम आइन आफादनि बुंथिगिरि बिश्वजित दैमारीआ (□ 6 बिलाइआव)



## राइज्यो सरकारआ दिबुगढ़ आरो शिलचरआवबो जुनातसालि गायसनगोन: गिबि मन्थि

दिसपुर, 1 जानुवारी: गिबि मन्थि उ हिमन्त बिश्व शर्माआ दिने आसाम स्टेट जु काम बटानिकेल गार्डेनखौ मोनसे गोदान महर होनायनि थाखाय 362.04 कौटि रं बाहायनानै लुफुंनो गोनां बिथिखनि अन्थाइ खाम्फा गायसन्दों। लुफुंजानो

गोनां बे बिथिखनि गेजेरजों जुनातफोरनि गोबां थार राहाफोरखौ दाजाबदेरनायजों लोगोसे आसाम स्टेट जु काम बटानिकेल गार्डेनखौ मोनसे गोदानआरि महर होनायजों लोगोसे स्टेट अफ दि आर्ट सेन्टारबो खालामनाय जागोन।



बे अन्थाइ खाम्फा गायसनाय हाबाफारियाव बाहागो लानानै गावनि बिबुंथि लाखिनाय समाव गिबि मन्थि उ शर्माआ बुडोदि, 1957 माइथायाव गायसनजानाय आसाम स्टेट जु काम बटानिकेल गार्डेनआ (□ 6 बिलाइआव)

## अरंनि निसिलामारि आरो माजबात साहा बागानाव बेंगुरा सुबुंफोरनो हुइल चेयार आरो ट्राइ साइकल गथायदों

उदालगुरि, 1 जानुवारी: 2025 माइथायनि गिबि साननि गोथार बुब्बियाव उदालगुरि जिल्लानि 39 नं पासनै सेरफां बियाबनि एमसिएलए दिपक मैरआ समाज अन्साइ बिफाननि उदालगुरि जिल्लानि सामब्लायगिरि धियज तालुकदार आरो माजबात श्रम बिफाननि नायदिगिरिजों निसिलामारि गामियाव देवारु (□ 6 बिलाइआव)





## सुजुगिरिनि खोलोम

### दानाय लुनायनि फार्से बर' आइजोफोरा सांग्रांथि लाखिनांगौ

बुंस हायै समनिक्रायनो गामिआव राइजो जग्रा सुबुंफ्रा दानाय लुनायखौ गोनां आरिमु महैरै गोबाना लाबोदों। बर' माहारिनि गेजेराव बाश्रा फंसे दड; 'जाय हिन्जावा दानाय लुनायाव आखाय गैया बे हिन्जावा सिख्लाखौ रावबो हाबा खालामा'। बाश्राया नंखाय नड। गामिआव नखरफ्रोमबो साल-गान्दैजों समायनाय इसानसाली थानायमोन। मेसें बोथोर सौफेनाय लोगो लोगो नखर नखर सि सोनाय, नो-खन्नाय, बिनि उनाव गान्दैआव खुन्दुखौ फान्ना सालाव दानाय। गामिआ हाबहैब्लानो नखर नखर खालथां, खालथां, माखु गाबनाय सोदोब खोनानो मोननायमोन। आथिखालाव नाथाय गामिफ्राव हाबहैब्ला थाखु गाबनायखौ बारा खोनानो मोनलिया। मानि जाहोनाव गामिनि आइजोफ्रा सि दानायखौ नागारनो हम्बो, बेखौबो गोथौयै साननो गोनां जाबाय। गोदोफोर खुन्दुखौ गाव गावनो बाइदि रोखोम मुवाजों गोसो, गोथां गोजा, गोसो दाउदै बाइदि रोखोम मुवाजों गोमो, गोथां, गोजा, गोसो दाउदै बाइदि बाइदि गाव गाना सि दानायमोन। दानिया नाथाय, हाथायाव मोननाय गोजा गोथां गोमो बाइदि रोखोमनि गावनि खुन्दु बायना दखना, जोमग्रा सिमा, बाइदि बाइदि रोखोमनि सि दाबाय।

गोदो गामि गामि इन्दि बिफानि बागान खालामना एमफौ फिनानै फिथोबनिक्राय इन्दि, खुन्दु दिहुनना इन्दि सि दानायमोन। नखराव जोमनो दोननानैबो गुबुनोबो फानहरोमोन। इन्दिसिनि बेसेनआ गोदोनिखुइ आथिखालाव गोबां जसिनबाय। गोबां रोखोमनि इन्दिसि दाना दिहुन्नो हाब्ला बेनिक्रायबो गोबां रां मोननो हायो। बेजोंनो नखरनि गथ गथायनो लेखा-बायनो गाननाय जोमनायखौबो जंगार खालामनो हायो। आथिखालनि सुबुंफ्रा नाथाय इन्दिसिखौ जोमाबालानो हाथायाव मोननाय मनिपुरि जोमग्रा, काशमीरि साल बाइदि बाइदि सि फोरखौसो बायना जोमसै।

सिनि फालांगि खालामनो माखासे आइजोफ्रा दाउगाबोनायखौ नुनो मोनदों। आइजोफोरनि दानाय लुनायनि आफादफोर दाना लानायखौ नुनो मोनदोंसै। बे रोखोमनि उइभिं सेन्टाराव दखना जोमग्रा बाइदि बाइदि सि दाना हाथाय बाजाराव फामनोबो लाबाय। गामिनि सिख्लाफ्रानो बे उइभिं सेन्टाराव जानो आन्थाल रां लामा दानाय लुनाय हाबाखौ मावनो हम्बाय। नाथाय बेजों उइभिंनि सोद्रोमाफ्रा बेसेबां मुलाम्फा दैखानो हादों बेबो मोनसे साननो गोनां। नुनो मोननाय बादियैब्ला उइभिंनिक्राय दिहुन जानाय सि-जोमखौ फाननायनि थाखाय नांगोमानि गुवार रोखोमनि हाथाय गैया। नांगौ रोखोमनि गुवार हाथाय गैयाब्ला उइभिंफ्रा थाना थानांगौआ गोब्राब। हादोरनि बायराआवबो बे रोखोमनि हाथाय थानांगोन।

## दिनैनि फान्जामुथि

### राशि बाइदियै मुनि गिबि हांखो

मेघः अ ल बुधः ऊ ब (उ ए इ) मिथुनः क छ (ड घ) कर्कटः ड ह सिंहः म ट कन्याः प ठ (ण ष) तुलाः त र वृश्चिकः ब न धनुः ध भ (ङ फ) मकरः ख ज कुम्भः ग श (स) मीनः द च (ख ज झ)

- मेघः** मानिबा गोरौन्थि मावफलांनयनि थाखाय गिखानाय मोन्नो हागौ। गोसोखौ लोरबां लानो नाड।
- बुधः** जेखियानो जाया फोथाय खेबस' हाबा मावफलांनो हागौ। जैरौबो सांग्रां जानांगोन।
- मिथुनः** जैरौबो रंजा-बाजा खालामनानै सम बारहोरहरो हागोन। गोजोन्नाय मोनगोन। मोजां सान।
- कर्कटः** जेबो जेना-जेसि गैयै सुखुखौ मोन्दानो हागोन। फारफ्रोमथिबो मोजां।
- सिंहः** बे राशिनि थाखाय शुभ सम। मोजां हाबा मावनानै लानो हागोन।
- कन्याः** सोरनिबा थाखाय रंखावरि खहा जानो हागौ। मोजां मोनलायफ्राफोरनि थाखाय मोजां सम।
- तुलाः** बबेबा गोजान जायगायाव दावबायनानै गोजोन्नाय लानो हागोन। मोजां सान।
- वृश्चिकः** मानिबा थाखाय गोबां रं खरसा खालामनानो हागौ। सानै-हयै रं बाहायनाया मोजां।
- धनुः** फारफ्रोमथिबो मोजां। जेखि मावा गोजोन्नायखौ मोन्नो हागोन।
- मकरः** मानिबाफोर आसा खालामबोनाय दड्ढा जाफुंहोनो हागोन। गोसोखौ गोजोन मोनगोन।
- कुम्भः** जेखि जाया खामानियावनो हेंथा मोन्नो हागौ। सान्नाया जाफुंनय नड। गोसोखौ हम्था।
- मीनः** सोरजोंबाफोर सोमोन्दो गावखालायनो हागौ। जेखि जाया गोसोखौ हम्था।

# गाहाइ मन्थि नरेन्द्र मदिआ आलादा आखुजों गोदान बोसोरनि हामलायथि होदों

गोदान दिल्ली, 1 जानुवारि: इंग्रिज गोदान बोसोर 2025 आ जगायबाय आरो मुलुगनाडै बे जर 'खा समनि रंजाथाय फालिदों आरो गोदान बोसोरखौ बरायदों। गाहाइ मन्थि मदिआबो गावनि सायाव फोथायनायजों बुंफबनाय भारतनि मुडुखौ दिन्थिनानै इन्टरनेट मिडियाआव मोनसे पस्ट होदों आरो हादरनि बयनोबो गोदान बोसोरनि हामलायथि होदों। लोगोसेनो 2024 आव मोन्नो हानाय मख 'जाथाव जाफुंसारनाय आरो सोलायनायफोरखौ रायखांदों।

गाहाइ मन्थि मदिआ बेखौ मोनसे काव्यात्मक उत्सव होना बुंनो एक्सआव शे यार खालामनाय गावनि पस्टआव बुंदोंदि, आंनि भारतआ आवगायलांगसिनो। बिथाड मोनसे मख 'जाथाव मेसेजआव लिरदों, स्पेसनिफ्राय लानानै रनवेसिम, हरिमुनिक्राय लानानै इन्भेसनसिम भारतनि थाखाय 2024 आ गोग्गाथाव जौगाखां आरो सोलायनाय बोसोर महैरै थिसनजादों। बेखौ मोनसे काव्यात्मक उत्सव होना बुंनो



हायो। मानोना जों 2025 आव गावनि सायाव गोखों फोथायनायजों लोगोसे आगान बरायदों होना बुडो। गाहाइ मन्थि मदिआ गोदान बोसोरनि

दिन्थिदों। भिडिआव हादरनि अखांमायाव जाफुंसारनाय, सुपार कम्पिउटिं, रैखाथिआव जौगानाय, उरां उद्यगआव बांनाय, दै सिडव हावडा मैदान ट्रेन बायदि गुदिबिथाफोरा दंफायो। मेडिकेल कलेजफोरनि अन्जिमाया बांनाय आरो सुबुंफोरनि थाखाय देहायारि खाबुफोर, अटल पेन्सन यजना, पिएम आवास, आबुधाबिनि मन्दिर लुनाय हाबाफारि आरो मोन 3 गोदान क्रिमिनेल आइनफोरखौ गोहोमआव

लाबोनायनि बागैबो मिथिहोदों। 2024 आव सरकारनि मावफुंनयफोरनि भाचुंएल रिपट कार्ड, एनिमेसन क्लिपआव रंखाथि राहानि बागै जर'खा खौरां होनाय जादों। गासै 700 आरब डलारनि गुबुन हादरयारि रां बाखिनि अनगयै बेयाव एशियाआव 3 थि देरसिन गोहो महैरै हादरआ जौगाखांबोनाय आरो 24.82 कौटि सुबुंफोरखौ निखावरि बे'खनिक्राय बाइजोआव लाबोनायखौबो दिन्थिदों।

## मणिपुरनि इम्फल जिल्लायाव उतखारिफोरा गोखों गुलि गावहरदों

इम्फल, 1 जानुवारि: मणिपुरआव बुधवार अखानायसि समाव उतखारिफोरा इम्फल जिल्लानि कदांबंद ओन्सोलाव गाग्लोबदों। कांपकपिनि हाजो ओन्सोले फोरनि फ्राय उतखारिफोरा मोनानि 1 रिगानि उनाव गाहायनि ओन्सोलेफोराव गोदान मुगानि हाथियारजों गोबां राउन्ड गुलि गावहरदों आरो बमाबो गावहरदों। गामियाव थिसनजानाय भलन्टियारफोरबो फिनजाथाय होना गुलि गावो। नाथाय थासाथिखौ सामलायनो थाखाय उफ्रा रैखाथि हान्जाफोरखौ बै ओन्सोलाव दैथायहरनाय जायो। अदेबानि बे जाथायाव जोखोम जानाय एबा गुबुन खहा जानायनि पुलिसआ खौरां होयाखै। पुलिसआ बुंदों, गाग्लोबनाया जागायनायनि उनाव गामिनि सुबुंफोरखौ रैखाथि गोनां जायगाफोराव



थाहैनो थिनहरनाय जादों। राइज्योआव 2023 नि मे दानाव नुजाथिनाय हिंसानि उनिक्राय कदांबंद ओन्सोलाव गोबाव समनि उनाव उतखारिफोरा गाग्लोबदों। पुलिसआ बुधवारव मोनसे फिननायाव बुडोदि, रैखाथि हान्जाफोरा मणिपुरनि बिष्णुपुर आरो खौबाल जिल्लायाव सिग्रोमनाय हाबाफारिनि गेजेरजों गोबां हाथियार आरो गुलि-बारुद बोखांदों। बिष्णुपुर जिल्लानि थंकलंग गामिनिक्राय रैखाथि हान्जाफोरा मंगलबाराव मेगजीनजों लोगोसे गंसे

एसएलआर, गंसे .303 राइफल, गंसे 12 बर सिंगेल बेरल गान, मेगजीनजों लोगोसे गंनै 9 एमएम पिस्टल, गंसे एन्टि रायट गान, गं 2 इंसस एलएमजि मेगजीन, गं 2 इंसस राइफल मेगजीन, थर 4 हेन्ड ग्रेनेड, गंसे डेटनेटर, गं 5 एन्टि रायट शेल गुलि बारुद आरो गुबुन मुवाफोखो बोखांनो मोनो। साइट स्कपनिफ्राय मडिफाइड गंसे एन्टि मेटेरियल राइफल स्नाइफार आरो मेगजीन, गं 2 सिंगेल बल्ट एक्सन राइफल, गं 9 एमएम, गं 4 एम्के 13 टि आरो गुलिफोरखौ बोखांनो हायो।

## मणिपुर पुलिसआ केसिपिनि सासे सुबुंखौ ग्रेप्टार खालामदों



इम्फल, 1 जानुवारि: मणिपुर पुलिसआ गोदान बोसोरनि सानसे सिगां मोनाबिलि समाव होबथाजानाय आफाद कांगलिपाक कम्पुनिस्ट पाटि (केसिपि) (पिडिब्लिउजि) नि सासे सन्देह खालामथावना सुबुंखौ ग्रेप्टार

खालामदों। सन्देह खालामथावना के डारआ पाब्लिक आरो फालांगिरिफोरखौ थांखि खालामनानै जर जलुमै लुथिनाय हाबाफारिफोराव दंफायोमोन। ग्रेप्टार खालामनायनि गेजेरजों पुलिसआ 9 मिमिनि गंसे

पिस्टल, गुलि बारुद, गंसे मबाइल फन, मोनसे एटिएम कार्ड, केसिपिजों सोमोन्दो थानाय रसिदफोर, गंसे साखा खबनै गारि आरो नोगोद रां जब्द खालामदों। बिष्णुपुर जिल्लानि सिडाव थानाय थंखलक मुनि गामियाव मोनसे आलादा हाबाफारियाव रैखाथि हान्जाफोरा माखासे राइफल, पिस्टल, आखाइजों बानायनाय हाथियारफोर आरो गुलि बारुदनि मोनसे गिदिर बाखि बोखांनो हादों। बे हाबाफारिया राइज्योआव आइनारि आरो बेबस्थाफोरखौ मोजाडै लाखिनो थाखाय सोलिबाय थानाय नाजानायनि गेजेराव फेयो।

## एनआइएआ 2024 आव सा 210 दायनिगिरिफोरखौ हमदों: रिपट

गोदान दिल्ली, 1 जानुवारि: एनआइएआ मंगलबारआव बुंदों, 2024 आव सा 210 आरबपतिफोरखौ हमनाय जादों आरो रिक्ड 100 जौखोन्दो साजानि हार मोनफुंनो हादों। उतखारि होबथा नायबिजिस्रा एजेन्सिआ मोनसे फिननायाव बुंनय बायदिब्ला, बे समाव एनआइएआ खमैबो सा 27 खारखोमानाय दायनिगिरिफोरखौबो हमदों। गोबांहाइप्रमइल केसफोरखौ जाफुंसार महैरै नायबिजिसनाय आरो एलडब्लिउजों लोब्बा गोनां केसफोरखौ सुखानायाव नोजोर होनाय जादों। 2024 आव एनआइएआ थिसन्नाय 80 केसफोरनि गेजेराव सा 210 दायनिगिरिफोरखौ हमदों। बे केसफोरव एलडब्लिउजि सा 28 आरो सा-सान्जानि उतखारिफोरनि 18 केसफोरजों फारिलाइयाव बयनिखुइबो जौसिन दड। एनआइएनि



गोहोम गोनां हाबाफारियाव 25 के सफोराव सा 68 दायनिगिरिफोरखौ दायनिगिरि गनायथिनाय जादों आरो 408 दायनिगिरिफोरनि हें'थायै सार्चसित गथायनाय जादों। गुबुन गुबुन उतखारि, गेंस्टार आरो गुबुन क्रिमिनेल नेटवार्कखौ फोजोबनो एजेन्सिआ लान्थियै नाजानायनि गेजेरजों थानाय बोसोराव 19.57 कौटि रंनि गासै 137 सम्पतिफोरखौ जब्द खालामदों। एलडब्लिउजिआ 2024 आव एनआइएनि नायबिजिसनाय बे'खनाव थादों,

जायजों सा 69 हमजायो। बिसोरनि गेजेराव सा 64 दायनिगिरिफोरनि हेंथायै मोन 12 सार्चसित गथायदों। सा 15 हमनायजों लोगोसे सा-सान्जानि उतखारिफोराबो एनआइएनि नोजोराव दंमोन। एजेन्सिआ 2024 आव गुबुन हादतआव थानाय खालिस्तानी उतखारि केसआव सा 14 दायनिगिरिफोरखौ हमदों आरो बे के सफोराव खेब 101 सिग्रोमदों। बे बोसोराव गासैबो रोखोमनि केसफोरव गासै खेब 662 सिग्रोमनाय जादोंमोन।

## आसामनि मरानआव पुलिस मावसुमानि सायाव गाग्लोबनाय दायआव सासे सुबुंखौ ग्रेप्टार खालामदों



गुवाहाटी, 1 जानुवारि: आसाम डिब्रुगढनि मरानआव सासे पुलिस मावसुमानि सायाव गोब्राबै गाग्लोबनायनि उनाव गोदान बोसोरनि सानसे सिगां मोनाबिलि समाव सासे सुबुंखौ ग्रेप्टार खालामनाय जादोंमोन। दायनिगिरिखौ डिब्रुगढनि लेंगिरि

नम्बर 2 नि थागिबि जितेन्द्र गाँगे मुडै सिनायथिनाय जायो। बिनि सायाव मरानआव न पार्किं जनआव गावनि गारिखौ पार्क खालामनायनि दाय जाबसिन्नाय जादोंमोन, जायनि जाहोनाव गोबां दावबायारिफोरा थुबुर जादोंमोन। बबेखानि, जेब्ला

कनस्टेबलआ हबिबुर रहमानखौ गोरौन्थि जनआव पार्क खालामनाय नुयो अब्ला कारनि सावगारि लायो। बे समावनो बै सुबुडा हाथियार बहन्ना बिथानि सायाव गाग्लोबो। रहमानआ बिखौ रैखा खालामनो थाखाय पुलिस टिमनो फन खालामो। गगैआ पुलिस मावसुमाखौ गोबां रायदोंबोमोन। जायगानि पुलिसआ बिखौ हमनायनि उनाव मिबथियोदि, बियो निषा लानाय थासाथियावमोन। पुलिसआ बुंदोदि, बियो 287 एमजि/100 मिलिलिटर जौ लौनायमोन, जाय गारि सालायनायनि थाखाय थि खालामना होनाय सिमनानि बांसिमोन।

## एइस-1 बि भिजा प्रग्रामनि सायाव एलन मास्कनि रावआ सोलायदों

वाशिंगटन, 1 जानुवारि: टेस्ला आरो स्पेस एक्सनि सिइअ एलन मास्कआ एइस-1 बि भिजाखौ जायखि जाया बेसे नावनो हेफाजाव खालामनायनि बाश्रा बुंदोंमोन। नाथाय बिथाड आथिखालाव बे हाबाफारियाव गिदिर सोलायनायनि गोनांथि थानायखौ गनायथिदों। भारतआरि-आमेरिकान उद्यगआरि भिभेक रामास्वामीजों लोगोसे मास्कखौ डनाल्ड ट्राम्पआ डिअजिइनि बिबानखौ गथायदों। थानाय सप्ताहायव



मास्कआ स्पेस एक्स आरो टेस्ला बायदि कम्पानीफोरा

गुबुन हादतआरि मावफारियाफोरनि गोनांथि दड

होन्ना बुंदोंमोन। बिथाडा एक्सआव पस्ट होनानै एइस-

1 बि भिजाखौबो मदत होदोंमोन। अदेबानि मास्कआ सासे एक्स इउजारनि पस्ट होनायनि फिननायाव गावनि सिगाडाव बुंनय बाश्राखौ बोखांनो लादों। एक्स इउजारआ आमेरिकया मुलुगनि बयनिक्रायबो अन्सायनायनि गोनांथि दड, नाथाय आथिखालाव एइस-1 बि हाबाफारिया सुखाना जायाखै होन्ना बुंदोंमोन। एक्सआव पस्ट होनानै मास्कआ बै इउजारनि बाश्राखौ गनायथिनानै बे प्रग्रामआव माखासे आंखाल दड आरो

बेयाव साबसां होनायनि गोनांथि दड होन्ना बुंदोंमोन। एइस-1 बि भिजाया मोनसे न'न माइग्रेसन भिजा, जायखौ आमेरिकान कम्पानीफोरनो टेक्निके ल जर'खाफोरनि गोनांथि जानाय हाबाफारियाव फरेइनार लेबारफोरखौ थिसन्नायनि गनायथि होयो। टेक्नल'जि कम्पानीफोरा भारत आरो चीन बायदि हादत फोरनि फ्राय बोसोरफ्रोमबो थानाय रोजा-रोजा मावसुमाफोरखौ थिसन्नायनि थाखाय बे भिजानि सायाव सोनारो।



# बोसोरनि गिबि सानआव एलपिजि नेहुनि भाइच चेन्सेलरआ छुट्टिखौ 12 जानेवारिसिम बारायबाय

**गोदान दिल्ली, 1 जानेवारि:** गोदान बोसोर 2025 आ एलपिजि बाहायगिरिफोरनि थाखाय गिबि सानावनो गोजोन्थाव रादाव लाबोदों। बोसोरनि गिबि सानआव एलपिजि सिलेन्डरनि बेसेनआ दिल्लीनफ्राय लानानै कलकाता आरो चेन्साइसिम दावखलायदों। बेनि गेजेरजों एलपिजि सिलेन्डरनि बेसेनआ 14.50 रां खमायदों। अदेबानि बेसेन खमायनायखौ 19 कि:ग्रा: कर्मासिएल सिलेन्डरआव मोन्दों। बेरफार्स नख'रआव बाहायग्रा 14 कि:ग्रा: सिलेन्डरनि बेसेनआव जेबो सोलायनाय नुनो मोनाखै। दिल्लीआव 19 कि:ग्रा: कर्मासिएल सिलेन्डरखौ 1804 राखव मोन्दो हादों, जाय 1818.50 रांमोन। मुम्बाइआव 19 कि:ग्रा: एलपिजि सिलेन्डरनि बेसेनआ 15 रां खमायदों। बेनि बेसेनआ



सिगाडव 1771 रांमोन, जाय 1756 रां जाबाय। कलकाटाआव बे सिलेन्डरखौ 1980.50 रांमोन। बबेखानि चेन्साइयाव बे सिलेन्डरनि बेसेनआ 14.5 रां दावखलायदों। मख'जाथावदि, डिसेम्बर दानआव एलपिजि सिलेन्डरनि बेसेनआ बारायदोंमोन। इन्डियान अयेलनि बादिब्ला, 19 कि:ग्रा: एलपिजि सिलेन्डरनि बेसेनआ डिसेम्बरआव गासै 16.50 रां बारायदोंमोन।

**शिलं, 1 जानेवारि:** नर्थ-इस्टर्न हिल इडनिभासिटि(नेहु)नि भाइच चेन्सेलर प्रभा शंकर शुक्लाआ थानाय नभेम्बर दाननि जागायजेन्नायाव मेघालयआव इडनिभासिटिनफ्राय फरायसा आरो मावफारियाफोरनि धर्ना होनायनि गेजेराव जागायनाय छुट्टि लानाय समाय सिमनाखौ 12 जानेवारिसिम बारायनाय जाबाय। मंगलबारखालि नेहुनि रेजिस्ट्रारनो मोनसे इमेलआव प्रफेसार शुक्लाआ गावनि सिगांनि आर'ज गावनायजों समान एबा एके थासारिखौ बुंथिनानै 30 डिसेम्बर 2024 निफ्राय 12 जानेवारि 2025 सिम गावनि छुट्टिनि समखौ फोलावो। बिथाडा गोनांथार खामानिआव फन कल एबा इमेलनि गेजेरजों गाव हाबा मावहरगोन आरो गाव गैये समाव नेमखान्थि बादिथै इडनिभासिटि खुंथायखौ सामलायनो गागि प्रफेसार एबा



प्र: भाइच चेन्सेलरनो बिबान गथायनायनि बागै रोखा खौरां होयो। मख'जाथावदि, थानाय

29 डिसेम्बरआव प्रफेसार शुक्लानि सिगाडव लानाय छुट्टिआ जोबथादों आरो बेजों लोगोसेनो बिथाडा छुट्टिखौ 12 जानेवारिसिम फोलाववावनायनि आरजलाइ गथायो। फरायसाफोर

गोखौ धर्ना खालामदोंमोन आरो फोरोगिरिफोरनि अनगायै अफिस स्टाफआवो बेयाव बाहागो लाफानायनि उनाव भाइच चेन्सेलरआ छुट्टि लादोंमोन। हेंथा धर्ना होग्राफोरा 3 सप्ताह उखैहाव सोमावसारनायबो खालामदोंमोन। गावनि छुट्टिखौ फोलाववावनायनि सिगां प्रफेसार शुक्लाआ सोलोंथाय मावख'निसिम गाव डिडिटिआव फेफिन्तो थाखाय इडनिभासिटि बाउन्डरिआव गोखौ रेखाथि राहा खालामना होनो खावलायदोंमोन।

## 25 बोसोर उनाव रासियानि हादरगिरिआ हादरयारिफोरजों सोमोन्दो लाखिदों

**मस्क', 1 जानेवारि:** रासियानि हादरगिरि ब्लादिमीर पुतिनआ गोदान बोसोरनि बिबुंथि लाखिनायाव हादरयारिफोरनि सिगाडव बुंदोंदि, हादरआ 2025 आव गावनि सायाव फोथायनाय लानानै आवगायगोन। बिथाडा रांखांथि राहा एबा इउक्रेनजों दावहाखौ लानानै जेबो जर'खा बाथा बुडखै। रासियाआव सरासन्सा सुबुंफोरा बेसेन बांबोनाय, फालांगि आरो न' बायनायनि थाखाय 21 जौखोन्दो सुतनि हाखौ जिंगायाव गोलैदों। बिबिआव पुतिनआ रासियानि सुबुंफोरनो फोथायनाय होदोंदि, सुबुंफोरनि गाहामथिखौ नोजोर होनायानो गावसिनि गिबि



बिबान। हादरगिरि पुतिनआ रासियानि सेलेन्सफोरखौ मोनसे जारिमिनारि मिसन होन्ना बुंदों, जेराव नैथि मुलुग दावहायाव नाजी जार्मानीआ जेन्नायाव गावसिनि बिफाव थानायजों लोगोसे सिगांनि देहासारनायखौ रायखांदों। बिथाडा बुंदोंदि, रासियाआ 21 थि जौथायनि गिबि 3 दानआव गोब्राब जेनाफोरखौ सामलायनो हादों, गाहाइ थांखिखौ मोनफुंदों आरो गावनि खौसेथिखौ गोखौ कालामदों। बेयो बै सम जाय आथिखालनि समजों गोरोबफलेयो। पुतिनआ

बुंवावदों, गोदान बोसोराव गावसोर इयुनिन बागै सानदों आरो गासैबो गाहाम जाजोबगोन, गावसोर सिगांथिंल' आवगायलांगोन। हादर आरो नोगोरारिफोरनि गाहामथिखौ नोजोर होनाया गाहाइ बिबान जागोन। मख'जाथावदि, क्रेमलिननिफ्राय बिथानि 3.5 मिनटनि मेसेजआ हर गेजेराव फोसावजादों। हादरगिरि पुतिनआ 25 बोसोर उनाव हादरजों बिबुंथि लाखिदों। बेनि सिगां बिथाडा 1999 माइथायाव बरिस येल्तसिनआ बिबान नागरानायनि उनाव गिबि खेब हादरगिरि बिबानखौ आजावनानै हादरनि मुडै बिबुंथि लाखिदोंमोन।

## अख्रामा दावबायारि सुनिता आरो बिथानि हान्जाया 16 थि गोदान बोसोर फालिनायनि खाबु मोन्दों


**गोदान दिल्ली, 1 जानेवारि:** इंग्रजि बोसोर गोदान 2025 आ जागायजेनबाय। इन्टरनेसनल स्पेस स्टेसन (आइएसएस) आव थाहैनाय आमेरिकान अख्रामा दावबायारि सुनिता उडिलियाम्सआ गोदान बोसोर 2025 हाबनायजों लोगोसे 16 थि खेब सान ओंखारनाय आरो हाबनायखौ नुनो मोन्दों। थामहिनाब बिथाडा खेब 16 थि निउ इयार फालिदों। मानोना बिथाडा आथिखालाव अख्रामा स्टेसनआव दं हैयो। मख'जाथावदि, आइएसएसआ जेब्लाबो गिदिंबाय थायो। बे स्टेसनआव सुनिता आरो बिथानि अख्रामा दावबायारि लोगोफोरा बैयाव थानानै गोबां सान हाबनाय आरो सान ओंखारनायखौ नुनो मोनबाय। आइएसएसआव सुनिता उडिलियाम्सजों लोगोसे एलेक्सि अमिचनिन, बुच उडिल्मार, इभान वेगनार, डन पेटिट, आलेक्जेन्डर गर्बुनभ आरो निक हेगबो दंफायो। अदेबानि सुनिताआ बैयाव थानानैब्लाबो



बुहुमनि सुबुंफोरजों सम-सम सावगारिफोरबो शोयार खालामदों। सुनिता उडिलियाम्सआ गावनि लोगो अख्रामा दावबायारि बुच उडिल्मारजों जयै 2023 नि 5 जुनआव बइ अख्रामा यान स्तरलाइनारजों आइएसएसआव सौहैदोंमोन। बिथामोनहा 9 साननि उनावनो बुहुमआव सौफैफिन्नागौमोन। नाथाय स्तरलाइनारआल' लांदाडै बुहुमआव सौफैफिन्दों। अदेबानि फेगौ मार्च एबा

एप्रिलनि जोबनायथिं बिथामोनखौ बुहुमआव सौफैगोन होन्ना बुनाय जादों। आइएसएसआ घन्टाव 28,000 कि:मि: गोखैथिंजों बुहुमखौ गिदिंखनो। बेयो मोनफ्रोम 90 मिनटआव मोनसे अरबिट आबुं खालामो। बेनि गेजेरजों स्पेस स्टेसनआव थानाय अख्रामा दावबायारिफोर 45 मिनटनि उन-उन सान हाबनाय आरो सान ओंखारनायखौ नुनो मोनो।

## आसामनि धुबुरी जिल्लायाव गोबां बिबानि नंखाय नटफोरजों लोगोसे सानै सुबुंखौ ग्रेप्टार खालामदों




**गुवाहाटी, 1 जानेवारि:** आसामनि धुबुरी जिल्लायाव पुलिसआ मंगलबारखालि मोनायाव गोबां बिबां आव

नंखाय भारतीय नटफोरजों लोगोसे सानै सुबुंफोरखौ ग्रेप्टार खालामदों। ग्रेप्टारखालामजानाय सुबुंखौ दबिन्द बर्मन आरो चन्दन

रिपर्टआव बुनाय बादिब्ला, बिसोरखौ धुबुरीनि तमारहाट पुलिस स्टेसननि सिडव थानाय ओन्सोलनि हरिपुरआव ग्रेप्टार खालामनाय जादोंमोन। पुलिसआ नंखाय रनि गासै नट लांदां लेखा बिलाइनि 1,500 शिट आरो नंखाय नटबानाया ग्रेसिन आरो ग्रेसिस्कुत्रखो जव्द खालामनाय जादों। जव्द खालामनाय मुवा-बेसादफोरखौ नायबिजिनो थाखाय मोजाडै दोनय जायो आरो बिबानगिरिफोर वे खामानिजों सोमोन्दो थानायखौ नायबिजिनो थाखाय खामानि मावगासिनो दड।

## ताइवानखौ चीनजों सरजाबनायखौ रावबो होबथानो हाया: शि जिनिपिं

**बेइजिं, 1 जानेवारि:** चीननि हादरगिरि शि जिनिपिंआ मोनसे हुमखिजों इंग्रजि गोदान बोसोरखौ जागायदों। बिथाडा बुंदों, ताइवानखौ चीनजों लाफानायखौ रावबो होबथानो हाया। चीनआव रांखांथि दावखलायनाय आरो आमेरिकयाव डनाल्ड ट्राम्प फेफिन्नायनि गेजेराव जिनिपिंनि बे बिबुंथिआ मख'जाथाव जादों। मानोना डनाल्ड ट्राम्पआ चीननि हेंथायै गोखौ टेरिफ खांथि आजावनायनि बाथाखौ गोबां खेब बुंखांबाय। गोदान बोसोरनि मुडै बिबुंथि लाखिनायाव चीननि हादरगिरिआ बुंदोंदि, ताइवान दै रेखानि फारसैथिबो थाग्रा चीनाफोरा नख'रसेनिनो। रावबो गावसिनि गेजेरनि सोमोन्दोखौ सिफायनो हाया होन्नाबो बुडो। चीनआ गोबाव समनिफ्रायनो ताइवाननि सायाव गावनि मोन्थाय दडहोन्नाबे दाबि खालामदों। चीनआ मुलुगनि सिगाडव वन चीना खांथिखौनो बुंथिबाय थायो। ओअदेबानि मुलुगनि रावबो हादरआ बे खांथिखौ मावख'यारि महरै



गनाया। गावनि बिबुंथिआव जिनिपिंआ मुलुगनि गोजोन आरो दिदोमथिखौ बिबान लागोन होन्नाबे बुडो। जिनिपिंआ बुंदोंदि, सोलायनाय आरो असान्तिजों बुंफबनाय मुलुगआव दरसे बिबान गोनां गाहाइ हादर महराव चीनआ सांग्रां महरै मुलुगनां मोजां खुंथाय लाबोनायखौ नोजोर होदों। चीनआ मुलुगनि खोला बाहागोन गेजेराव खौसेथि आरो हेपाजाब होन्नायनायखौ

गोथौसिन खालामनायाव नांथाबदों। बिथाडा बुंदों, फसल दिहुन्थायाव 700 मिलियन टन बारदों। बेनि अनगायै बिथाडा इ भेहिकल सेक्टरआव चीननि जाफुंसारनायखौबो रायकांदों। बिथाडा बुंदों, चीनआव निउ इनाजि भेहिकलफोरनि बोसोराव दिहुन्थाया 2024 आव गिबि खेब 10 मिलियननि बांसिन जादों। हादरआ एन्टिग्रेटेड सार्कुइटसजों लोगोसे गोबां सेक्टरआव जाफुंसार जानो हादों। कभिड-



हेलिकप्टारआ आबुडै सिलिंखार जायो आरो गुबुन गंसे आबो खहा जायो। इउक्रे ननि मिलिटारि इन्टेलिजेन्स सार्थिसआ ससेल

गावखलायो। भिडिअआव इन् बटनि खांथि-खाला दैयाव गुलिनि बाना नुनो मोन्दों आरो हेलिकप्टारनि थार्मल इमेजबो नुनो मोन्दों। लोगोसेनो गंसे मिसाइलखौ बेरफुनाय नुनो मोन्दों। अदेबानि भिडिअखौ रोखायै नुनो मोन्नाय जायाखै। रेडिअ कमिउनिके सनखौ इन्टरसेप्ट खालामनायनि उनाव पायलटनि रावखौ रोखा खोनादों जेराव पायलटआ 482 आ गाग्लोबदों होन्ना गावनि थासारिखौ मिथिहोदों। बे गाग्लोबनायाव हेलिकप्टारनि सिस्टेमआ फेल जादों। इउक्रे ननि सेक्रेट एजेन्सि जिइउआरआ टेलिग्रामआव बेनि खौरां होदों। बेयाव बुंवावदोंदि, क्रिमियानि सोनाब बोरियायाव केप तारकानकुटनि साखाथियाव मोनसे दावहा जादों, मिसाइलजों लेस गंसे मागुरा भि 5 लैथोमा इन्आ रासियानि एमआइ 8 गंसे हेलिकप्टारखौ गाग्लोबदों। गिबि खेब इउक्रे ननि नभल इन्आ रासियानि उरांखौ थांखिनो हादों।

**गोदान दिल्ली, 1 जानेवारि:** इउक्रेनआ गावनि गोखौ इन्जों गिबिबै रासियानि चापरखौ गावखलायनो हादों। गाग्लोबनाय लोगो-लोगो रासियानि हेलिकप्टार पायलटआ गिखांदों। बेखौ इउक्रेननि इन्टेलिजेन्स सार्थिसआ रेडिअ कलखौ इन्टारसेप्ट खालामनायनि उनाव मिथिनो मोन्दों। मंगलबारखालि ब्लेक सि साजों उरायनाय रासियानि गंने हेलिकप्टारखौ इउक्रेननि नभल इन्आ थांखियो, जेराव गंसे

No. MCH/CN/Adv/2022/01-A

**Advertisement Notice**

Application in plain paper are invited from eligible candidates for the following post under Gauhati Medical College & Hospital in Cardiothoracic & Neurosciences Center.

Sl No.	Position	Essential Qualification and Experience	Salary	No. of Post
1	MRI Technician	HS Science with Technician Diploma MRI/ CT Scan Machine operation from Govt, recognized Institute. Minimum 1 year Experience of MRI machine handling as technician	Negotiable	2Nos

**Important Information:**

- The post are purely temporary on contractual basis. The appointment will be initially for a period for 11 months which may be renewable subject to satisfactory performance further.
- Interested candidate shall have to submit their CV at the Drop box in Administrative block of the Director Office CN Center, GMCH on or before 08/01/2025.
- The schedule of Interview/ selection test for the respective posts will be communicated through E-mail or phone within a week of last date.
- Only eligible candidate's application will be entertained.
- Candidates must be belongs to Indian Citizen.

Sd/-  
Principal Cum chief Superintendent,  
GMCH & Director, CN Center,  
Gauhati Nodical College & Hospital, Guwahati-32

Janasanyog/D/11301/24/2-Jan-25



# रंजालि गथ 'फोरनि सौरा- लख्रानि बिगुरा फाख्रा सिख्रा जानायनि बाथ्रा

मंकर लाल बर'

मौनसे गुदु हाग्रायाव मासे बेसेबा गिदिर लख्रा दंमोन। बियो बे गुदु हाग्राणि राजामोन। बिनि मोदोमाव गोलाव गोलाव बुर्ला-जाला खोमोन, मेगन थाइनेआ गोजा अरखि बादि आरो हाथायफोरा गोलाव गोलाव गोबौ दाबा बादि जंफार। बे हाग्राणि राजाआ सोरगिदि हाग्रायाव गिदिबायोमोन आरो गावनि गोसो बादियै हाग्राणि जिउ-जुनादखौ अरथारना जानाने आलो गोजोनै दंमोन। हाग्राणि जुनादफोरा बिखौ नुब्लानो गिनाने खारखुमा लांजोबो। सानसेखालि मासे मैनि बेदरखो फुनि समावनो उदै बुंजासे जानाने हाग्राणि राजाआ हाग्रा गेजेराव बेरायगलांनो ओंखारबाय। बिखौ नुनाने हाग्राणि मै-अमाफोरा गिनाने जेराव-मेराव जायखार लांजोब्याय। अब्ला लख्राआ सिरि सिरि मिनिबाय आरो दुगाजों गाडा थेफा बादि जानायसै। बियो थाडै थाडै हाजो सेरनि हायेन मोनहैबाय। बेवहाय नुहैबाय दि मैसोजों नांगाल-जुंगाल जुरिना सासे आबादारिआ हाल एवबाय थादों। मैसोआ दलरै हालखौ बोदों। नाथाय एसे थालि-बालि खालामनाय नुब्लानो मानसिआ

एवहोनो हादों। 'मा बुंदों नों? बिनि उदैयाव 'सोलो' दं।' -लख्राआ गोमोहाबना बुंबाय। 'नाथाय सोलोनि ओंथिआ मा?' -लख्राआ सोबावबाय। मैसोआ खेफोदआव गोगलैबाय। बियो गावबो सोलो एबा खायदा जिरादखौ मोजाडे मिथिनो मोना। थेवबो राजानि खाथियाव नेहाद उन्दै जानो सानाब्लानो लाजि बांसिन बुंबाय-'नों गावनो आबादारिनि खाथियाव थां'ना सो'नानै लाबोआ मानो?' आबादारिआ दसे सम थानानै माबा मोनसे सानबाय; आरो खायदा खालामना बिखौ बुंबाय-'महाराजा! जागोन दे। खालि आं नोंखौ नैबे बिफांआव खानानै दोनलांगोन। अब्लासो आं फोथायगोनदि-नोंथाडा आंनि मैसोखौ अरनानै जानाय नड।' सोलोजों मोगा-मोगि जानो हास्थायनायावनो हाग्राणि राजाआ आबादारिनि खोथायाव राजि जाबाय। लोगो लोगो मानसिआ बिफांआव लख्राखौ मैसो खारा दुंरुं गोलावजों थे-थे खारबबाय। बेनि उनाव बिफांनि बिलाइ गोरान, दालाइ-दासा गोरानफोरखौ बिफां गुदियाव दामोल खालामबाय। बियो बेवहाय अर लगाइना होबाय आरो बुंबाय-'बेनो जादों सोलो। नों नायदो।' गोरान दालाइ-बिलाइआव अर जोंब्लाउबाय आरो लख्राखौ खामनो हमाबाय। अर दुं'नाय-खामनायजों लख्राआ थैनो बादि जाना बाब्राबबाय आरो मोदोमनि खोमोनफोरा। खामग्लिबाय। बे बादिखौ नुनाने मैसोआ मिनि मिनि खुग्लुब खांग्रां जालायबाय आरो बाज्रेद लांनानै हाजो सेरनि अन्थाइ सायाव खुगाआ सौग्राव हैबाय। लोगो लोगो गोजौनि हाथायफोरा बे जायगाआवनो बायनानै गजोब्याय। दुंरुंआ खामनायलाय लख्राआ गनानै हाग्रा फासैं लां-फे था होलांबाय। बे खुगा सल'खौ मानसिफोरनि खुगा खुगा खोनानो मोनो। बै दिननिफ्रायनो अर खामजानानै लख्रानि मोदोमनि बिगुरा गोसोम, गोमो दागोजों फाख्रा-सिख्रा जानानै थाबाय

# रंजालि गथ 'फोरनि सौरा

## आंनि अनसुलि

फुरनिमा अखोरं हर गेजेराव नागिर बायो..... अखोरं गेजेर गेजेर; जानगर आंनि..... दाबाव नों फेमाल दा खालाम आंनि मिजिंखौ। आंदि नोंखौ बेसेबां... लागोन आं अरायबो.... नोंनि बोसोन...; आगान सुरा बैग्रि सु फासैं। बोहै होआ अरायबो नोंनि मेगनाव मोदै। दिन्थिगिरि आंनि बे मिथिगाखौ नायहर नों आंखौ बै फासैंनिफ्राइ फेलें खालामा आं नोंनि मिजिंखौ गोजोनै था नों जेरावखि थाया मानो नों आंनि अनसुलि।

सादिन ब्रह्म  
गामि- कक्राझार वार्ड नं- 10

## बे

बे गोजाम बोसोरा सुबुं जिउवाव मालादि थांखो आलोख मोनानै बे गोजाम बोसोरा बाबेन लांनाय लोगो लोगो सुबुं आयु सुडे बे गोजाम बोसोरनि बाबेन लांनाय सानस्त्रिनानै नायबा दुखारुनि दे माथो खालामनो सुबुं जिउवाव गोजामा थालाय गोदाना फैलाय

-रैदोम बर', बाक्सा

## आंखौ नायहर

आंखौ नायहर आफा आंनि थांखिखौ नायहर, जेरावनाखि बयबो आंनि गोसो गोरबोजों लुबैनाय जिउनि लामाजों आगान सुरनो बयखौबो नायहर। हाग्रा-बंग्रा, जेना जेंसिखौ सौसि सौसि सुबुं माहारिनि खौसेथि लाबोनो नाजानायाव आंखौ नायहर। लाइमोनफोरखौ लोगो लानानै रंजा-बाजा सोलॉनानै जिउनि लामा नागिरनायाव, समाजखौ फोसाबनो नाजानायाव, आंखौ नायहर आफा आंनि थांखिखौ नायहर।

बिरदाव नार्जरी  
गामि- खारगाँव

## गोबो थोफ्लांबाय आं

गोसो थोफ्लांबाय आं नोंखौ सज्ना; मा होन्नानै रायज्लायबावगोन आं नोंखौ लोगो मोनबोला सना। जाया नंडा जाबाय नोंबो सासे महर गोसा नोंबो सासे महर गोसा सिखोला; फसाया नंडा फसायफलांबाय आंनि जावलिया गोसोआबो। गोजावनांबाय आं नोंनि महरावनो रायखोमा जानांबाय आं ; सुबुंजों हिनजावनि फागोला बखि जानांबाय आं लामा-सामा। दोहो-दोहो खामग्लि लांडे आंनि सोलेरा दुखुनि मोदैजों लोमसाव फैयो; जेबोला नोंनि हायना गोनां महरखौ गोसोखांडे हाया आं नोंखौ बावनो हाया। नोंनि मिनिनाय नोंनि रायज्लायनाय दिने नुयै गामोनबो नुयैनो; गोसो थोफ्लांबाय आं नोंखौ सना नों मानि-दामानि। नाथाय नागिरै-नागिरै मोनबायमोन आं सायखना नोंखौल बे जोनोमाव; मोनहां-मोनाहां जागोना जाया आंनि गोसोजों हास्थायनाया। बेयो आं अराय सम नोंनि गुरे रावनि फिन्नाय सना; आंनि गेग्रैव देरानि दरखांआव।

राम नाथ बसुमतारी  
श्रला:सो:- निउ बडाइगाव  
जिला-चिरां बि टि सि

## खौसेथि

जोनोम लाफैदोंमोन नोंसोर बर बिमानि गोरबोआव जोहोलाव नों सोरमोन? नुजाबबदों मो दसे सम माया गेलेनाने संसारनि मानो थांफिनखो? जोहोलाव नों मा सानदोंमोन जालांको माब्रे? मा? गावनि हारिनि गेजेराव जुखुम लांबायमोन मों जोहोलाव बर हारिनि हाहामै, जयै, खौसेथि। जोहोलाव नाथाय..... नों गोमालांनानयनि उनाव जॉनि हारिनि गेजेराव जालांबाय गोदाव- सोराव लेथेर- पेथेर। नायपै पिनदो नों जोहोलाव जॉनि गेजेराव आनान गसायनि दहाय लानानै दाबो दं सम। लाबोफिनदो जॉनि गेजेराव खौसेथि पोथांफिनदो बर हारि खौसेथि लाबोफिनदो बर हारि।

बिनाराम औवारि  
गामि- निउ लावरिफारा  
( तिनआलि )

# गोजा गलाब बिबार

फालगुन दाननि जावलिया बाराव। सानसंनो हायै लाइमोन बैसोआव गुवार गोसोनि अन्नाय लानानै मोजां मोन्दोंमोन रजे आं नोंखौ जेब्ला। अब्ला, नों आंनि बायराव देरानि लांगोनायाव बारदोंमोन सानसैसोनि गोजा गलाब बिबार। दिने बै गोजा गलाब बिबारा बहा ?... ? नाथाय , नोंदि बै सिख्रिफोरनि गेजेरावसो बारहैनानै दं। आंनि बेसेबा गोजानावसो. ....। नों, मोदोम जायाखैथ', सिख्रिफोरजों बिदै सोबजानो। बिबिदिनो, र'जे नोंखौ आ हास्थायदोंमोन मोकथांआव। नाथाय नोंदि बावगारलांबाय अब्लाबो आं नोंखौ गोबोंजों मोजां मोन्दोंमोन... जाफुं होनो थाखै..... नाथाय सानाखैमोन नों र'जे आंनि अन्नायकौ सैथो गोथार होन्ना। जाउनाव जानांबाय आं दिने लोगो गोमाजानाय दाउसा माउरिया बिदिब्ला र'जे बुं बै समनि अन्नाया बेसेन गैयामोन नामा। जानो हागौ आंदि गोरोन्थि खालामबाय बिनि थाखाय नों आंखौ नेवसिगारनो हागौ। नाथायय, नोंबो इसेबां गिदिर समाय लानायखौ गियाखैसै। ना नों समायखौ फिसा होन्नानै सासनबाय नामा। ना फालगुन दाननि थिं थिं सानुं दुनायाव रानज्रंलांनो हमाबाय नामा बै गोजा गुलाब बिबारा।

बेनिजन बरगंथारी। बडाइगाव कलेज  
जिल्ला- बडाइगाव, बि.टि.सि., आसाम

# जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोबोंआव हाजासे, गोथार मिजिं लानानै दोनहरदोंमोन, दिने आंखौ टाउन-सह'राव , स्कुल, कलेज फरायनो। बुरलु बुरला खालामनानै गावसोरनि बिखानि थैखो दै खालामनानै, हरदोंमोन रोजा रोजा रं गावनि फिसानि नांगो बादियै। नाथाय दिने मोनथिया हासिया, सह'रनि गुदुं बारजों बारफानानै गावनि सान्नाय हनायखौ सोलायबाय, बिफा-बिमानि सान-इजोदखौ बावगारबाय। लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै। सानफ्रोमबो सह'रनि गंलायावल', जौ, सिगारेट आरो थांखु सोबै -सोबै समखौ आं बारहोदोंमोन। गावनि जौमोनननि हाबिलासखौ सानहरनो सम आरो बोथोरआवो गैला आंहा, खालिबोल' नांगौ -नांगौ-नांगौ जौ, जुवा आरो सिगारेट। गिनाय, लाजिनायआबो गोमा जोबबाय, लामा सामा सिख्ला सासेबो बारग'लिया.... हाय! आं मादि मावफोनांखो.... थारेनो जाबाय आंबो सासे दुथामि।

मुस्त्रि प्रफुल्ल नार्जरी।  
कक्राझार  
ला:सो:- दतमा।

# बारसे गेवलाडै बारफुनाय बिबार

आय' बेसे समायना नोंनि बे आथुमसे गेवलाडै बारफुनाय महरा समाय होबाय नों जॉनि बे बायद्रेव द्रेव देराखौ नोंनि बे आथुमसे गेवलाडै बारफुनाय महरजों!! मायबा नायबाय थाथावथाव ब'जबबा ब'जबबाय थाथाव-थाव आय' बेसे समायना नों बारफुनाय बिबार!! नोंखौ नुब्ला गोसो खांडे आं आंनि बै सिमांखौ थारेनो जामारगोन नामा मोकथाडव नों बायदि समायना आय' बेसे समायना नोंनि बे आथुमसे गेवलाडै बारफुनाय महरा गोजोनथों।

जहु ब्रह्म  
ला:सो-जिला-कक्राझार,

## जिउनि फैमाल

सोरबाया रोंग'थि लानानै सोरबाया रोडैखौ लानानै गोरान बरजों। सारा मुलुगनि निहोरा रानैयावबो दुखु दाहानि बालाया रानखाव लांबाय। गोजौ जोमैनि हांखाय नायाव खाफालनि रिफिनाया बेनिफ्रायनो दिंप्रायनांबाय। सिमांबायदि जाबाय बे जिउआ गोरान बिलाय बायदि सिबार्थि जाबाय सोरनिबा खाफालाव देरहानायनि अखाफोर गावदां-दां सोरनिबा खाफालाव जेन्नाय आरो रोडैनि लैथो हाब्रां सोरांथौ-हरथौ गोदान नखोरंखौ नागिरनानै, गोदान जायखर्नि सायायाव गोजोन सुदेम बारजों। मुस्त्रि फनि महन इश्लारि  
जिल्ला:-कक्राझार,( बि.टि.सि. )







## उदालगुरि जिल्लायाव 2024 बोसोराव लामानि जाब्रबथायाव गासै सा 1150 निबो बांसिन सुबुंफोरा भुगिनांदों

उदालगुरि, 1 जानुवारी: उदालगुरि जिल्लानि दाब-दाब जायगायाव डिसेम्बर दानाव गासै सा 100 निबो बांसिन सुबुंफोरा लामानि जाब्रबथायाव गोरलैनाय समावनो लामानि जाब्रबथायनि जिंगा सिनो गोनां फोस्मायथिया सोराडव फेदों। थांनाय 2024 माइथायनि 30 डिसेम्बरसिम उदालगुरि जिल्लायाव लामानि जाब्रबथायजों गासै सा 1150 निबो बांसिन सुबुंफोरा भुगिनांदों। बेयो मृत्युन्जय 108 एम्बुलेन्स सिबिथाय बाहायनायनि फोस्मायथि। बेनि अनगायैबो 108 एम्बुलेन्स सिबिथाय बाहायै लामानि जाब्रबथायनि अन्जिमाया बांसिन जानो हागो। मख 'नो गोनांदि, थांनाय 2024 बोसोरनि जानुवारी दानाव सा 101, फेब्रुवारीयाव सा 120, मार्चआव 117, एप्रिलआव 102, मेआव 99, जुनआव 76, जुलाइयाव 66, आगस्टआव 73, सेप्टेम्बरआव 90, अक्टबरआव 84, नभेम्बरआव 106 आरो डिसेम्बर दानाव गासै सा 122 जाब्रबथाय जानाय सुबुंफोरनो 108 एम्बुलेन्स सिबिथाय होनाय जादों। मख 'नो गोनांदि, लामानि जाब्रबथायनि माखासे जाहोनफोरनो जादों, जौ लोनानै गारि सालायनाय, रंग'थि गैयै गारि सालायगिरि, गोबारे गारि सालायनाय आरो जाब्रबथायफोरा फुजा-फोबो, बायदि



रोखोमनि फालिथायनि समाव बांसिनै सोमजियो। बे बिथिडव नोजोर होनानै जिल्ला खुंथाय, पुलिस, हान्थामेला आरो आबगारि बिफाननि हेफाजाबव लामानि जाब्रबथायखो होबथानो थाखाय जिल्लायाव गोखों रहा लादों। लोगोसे रडजो-रजाफोरखौ लामा रैखाथि आइननि सोमोन्दै सग्रां खालामनो थाखा बायदि हाबाफरिफोरखो खुंबेदों। बेनि अनगायैबो लामानि जाब्रबथायखौ होबथानो थाखाय मटर साइकेल सालायब्ला हेलमेट हमनाय, गारियाव सिट बेल्ट गान्नाय, गोबारे गारि-मटर सालायनायनिफ्राय जानगाराव थानाय, जौ लोनानै गारि सालायनायखौ बन्द खालामनाय, गारि सालायनाय समाव मबाइल फन बाहायनायखौ नागारनाय बायदि नेम-खान्थिफोरखौ मानिनानै सोलिनो जिल्ला खुंथाया रडजो-रजाफोरनिस्सिम खवलायहरदों।

(1 बिलाइनिफ्राय)

### गिखंधाव लामानि जाब्रबथायाव बिजेपिनि बाउखुंग्रि मन्दलनि आइजो मर्चानि आफादगिरिनि जिउ गोमादों

गावनि न'निफ्राय हाथायसिम थांनाय समावनो धुबुरि जिल्लानि बिलासिपारनिफ्राय कक्राजार फासं गोबारे खारबोनाय ए एस 17 जि 5844 नम्बरनि गंसे बलेर' गारिया सैखंलानायनि जाउनाव दलि नन्दि रायआ जायगायावनो जिउ गोमायो। बे जाथाय सोमजिनय लोगो-लोगोनो ओन्सोलाव दुंहाव थासारि सोमजियो आरो जाथायथिलियाव ओन्सोलनि सुबुंफोरा थुबुर जायो। ओन्सोलनि सुबुंफोरा बलेर' गारिखौ हमथाना लाखिनायजों लोगोसे गारियाव थानाय इन्द्रजित सरकार आरो गुबु सासे लाइमोन शतद्रु पाल एबा जितनि सायाव रगा जोंखानाय रडजो-रजाफोरा गाग्लोबो। रडजो-रजाफोरनि गाग्लोबनायाव इन्द्रजित सरकार आरो सतद्रु पाल एबा जित पालआ गोब्राबे जोखोम जायो। जाब्रबथाय खालामनाय गारिखौ सोर सालायदोंमोन बेखौ दाबो रोखा खालामनो हायाखै। इन्द्रजित सरकार आरो सतद्रु पालआ बिलासिपारा सहरनि वाई नं 8 नि थागिरि होनानै मिथिनो मोन्नाय जादों। गुबुन फासँथि, जाब्रबथाय जानायनि खीरं मोन्नानै कक्राझार पुलिआ जाथायथिलियाव नुजाथिहैनानै जाब्रबथाय खालामनाय सुबुंफोरखौ बोखाडो। पुलिसआ सानैबो सुबुंखौ देहा फाहामसालियाव थिसनहैनायनि उनाव गोब्राबे जोखोम जानाय सानैखौबो जौगा थाखोनि फाहामथायनि थाखाय देहा फाहामसालियाव दैथायहरो। बे बायदिनो दासान्दि सानैबो सुबुंखौ बडइगावनि गंसे गावआरि देहा फाहामसालियाव फाहामथाय होगासिनो दं। गुबुन फासँथि, जाब्रबथायाव जिउ गोमानाय बिजेपिनि दैदेनगिरि दलि नन्दि रायनि गोथै सहखौ बोखानानै पुलिसआ पस्ट मट्टेम आन्जादिनि थाखाय दैथायहरो। गोदान बोसोरनि गिबि सानखालिनो कक्राझारआव बे बायदि गिखंधाव जाथाय सोमजिनया जिल्ला नाडैनो गोजोन गैयै थासारि सोमजिहोनायजों लोगोसे बिजेपिनि दैदेनगिरि दलि नन्दि रायनि थैनायाव कक्राझारआव दुखुनि सायखं साग्लोबदों। गुबुन फासँथि, कक्राझार जिल्ला बिजेपिनि लेडाइ आफादगिरि देबरज पालआ बिजेपिनि बाउखुंग्रि मन्दलनि आइजो मर्चानि आफादगिरि देबरज नन्दि रायनि थैनायाव गोथै दुखु मोन्नाय फोरमायनानै दुखुथिया नख 'रनिस्सिम समानै दुधु मोनफानाय फोरमायो। दलि नन्दि रायआ बिजेपिनि सासे गागि मावथिमोन आरो गोखोडै खामानि मावग्रा सासे आइजोमोन होन्ना फोरमायनानै कक्राझार जिल्ला बिजेपिनि लेडाइ आफादगिरि देबरज पालआ जाब्रबथायनि दायनिगिरिनि हँथायै आइनआरि साजा होनो थाखाय खुंथायनिस्सिम खवलायहरो।

## गिबि मन्थिआ पल्टन बाजाराव फुट अभावरिजजों लोगोसे भारतरख गपिनाथ बरदलैनि मांखरसालि 'सान्तिस्थल' खौ बेखेवदों

अभावरिज आरो भारतरख गपिनाथ बरदलैनि मांखरसालि सान्तिस्थलनि फिन लुफामफिन्नाय आरो गोदानथि खालामनाय बिथांखिखौ बेखेवनानै होयो। मख 'नो गोनांदि, गुवाहाटी नोगोरमानि मुखुब लामाफोरखौ बारनायनि बिथिडव नुजाथिनाय जेनाफोरखौ सुखानो थाखाय रडज्यो सरकार माखासे फुट अभावरिज लुफुंदों। दिने गिबि मन्थिआ पल्टन बाजारनि फुट अभावरिजखौ रडजो-रजाफोरनि सिबिथायनि थाखाय बाउवो। खीरंगिरिनि मोगा-मोगियाव गिबिमन्थि ७ शर्माआ बुडोदि, 17.50 मिटर गोलाव फुट अभावरिजखौ रडज्यो सरकारनि गाव-गोनांथि जौगाथाय फान्दनि सिडव 16.66 लाख रं बाहायनानै लुनाय जादों। लोगोसे बिथाड बुंबावोदि, बे फुट अभावरिजखौ लुनायनि जाउनाव गारि-मटरनि खारथायखौ बाडइ खालामा लासेनो लामा हान्थिग्राफोरा रैखाथियै जिएस रडखौ बारनायजों लोगोसे गुबुन गुबुन जायगानिफ्राय फैनय दावबायारिफोरा रेलवे स्टेसन आरो आसाम रडज्योआरि हान्थामेला निगमनि बास स्टेडिसिम गोलेयै थांलाय-फैलाय खालामनो हागोन। बे हाबाफारियाव एमपि बिजुलि कलिता मेधि, एमएलए सिद्धार्थ भत्ताचार्य, गुवाहाटी नोगोर निगमनि मेयर मृगेन शरनिनायजों लोगोसे माखासे गेदेमा सुबुंफोरा बाहागो लायो। बेनि उनावनो गिबि मन्थिआ हादतनि उर्दास्त्रि सोमावसारनायनि गुबुन सासे दैदेनगिरि आरो आसामनि गिबिसिम गिबि मन्थि भारतरख गपिनाथ बरदलै आरो बिथानि बिसि सरबाला बरदलैनि गुवाहाटीनि शिलपुबुथियाव थानाय मांखरसालि 'सान्तिस्थल'नि फिन लुफामफिन्नाय आरो गोदानथि खालामनाय बिथांखिखौ बेखेवनानै होयो। खीरंगिरिजों जानाय मोगा-मोगियाव गिबि मन्थिआ बुडोदि, भारतरख गपिनाथ बरदलैनि जोनोम सान आरो थैनाय सानखालि बिथांनि उनसग्रा आरो साबायख 'र बाउगा असमीया सुबुंफोरा बेयाव ज' जायो। बे मांखरसालिखौ गोगाथाव आरो गिदिरि खालामनायनि थांखिजों बे बिथांखिखौ मावफुंनाय जादों होनानै बिथाड बुडो। गिबि मन्थिआ बुडोदि, गोदान बोसोरनि गिबि सानावनो बे बिथांखिखौ रडजो-रजाफोरनि सिबिथायाव बाउनाय जादों। गासै 1.26 कौटि रं बाहायनानै मांखरसालिनि जौगाथायनि गेजेरजों लकप्रिय गपिनाथ बरदलैनि बिहोमाखौ अराय जुगामियै लाखिनो नाजानाय जादों। बिथांखिनि सिडव बे मांखरसालिसिम फैनय दावबायारि बोनो हानायनि थाखाय गंसे बिजाब बाथि लुनायजों लोगोसे हरनि समाव समायाव आबहावा सोजिनो गुबुन गुबुन रोखोमनि लाइर्टनि रहा खालामनाय जादों होन्ना मख 'नानै बिथाड बुडोदि, सेन्ड स्ट'नजों गपिनाथ बरदलैनि मुसुखा लुनाय जादों आरो दावबायारिफोरनि खाबुनि थाखाय गुबुन गुबुन रहाजों लोगोसे बे मांखरसालियाव थाना पार्कआव लेन्ड स्केपिनि रहा खालामनाय जादों जाहाथे उन्दै-उन्दै गथ 'साफोरा गेलेनायनि खाबु मोन्नो हायो। बे हाबाफारियाव एमपि बिजुलि कलिता मेधि, एमएलए सिद्धार्थ भत्ताचार्य, गुवाहाटी नोगोर निगमनि मेयर मृगेन शरनिनाय, गपिनाथ बरदलैनि फिसाज्ला बलिन बरदलै आरो नख 'रनि सोद्रोमाफोरजों लोगोसे माखासे गेदेमा सुबुंफोरा बाहागो लायो।

### आरानि निसिलामारि आरो माजबात साहा बागानाव बँगुरा सुबुंफोरनो हुइल चैयार आरो ट्राइ साइकेल गथायदों

तान्ति, बिपुल बिश्वास आरो माजबात साहा बागाननि सिबन रायक मुनि बँगुरा सुबुंफोरनि गेजेरव हुइल चैयार आरो ट्राइ साइकेल रनानै होयो। 87 नं माजबात बिधान सभा बियाबाव खुंनाय बे ट्राइ साइकेल रननाय हाबाफारियाव समाज अन्साइ बिफाननि बिबानगिरजों लोगोसे ओन्सोलनि सुबुंफोरा बाहागो लायो।

(1 बिलाइनिफ्राय)

## 2025 गोदान बोसोराव आसाम सरकारनि गिबि केबिनेट जथुम

थाखाय रडज्योनि मोन 12 जिल्लाफोरनि सुबुंफोरनि मुलाम्फानि थाखाय 210.8 कौटि रं बाहायनानै मोन 108 मावथांखिफोरखौ गनायथि होनाय जादों। जोनोम आरो थैनाय रेबथुमनाय थांखि आजावनायनि गेजेरजों जोनोम आरो थैनाय रेबथुमनाय बिखान्थिखौ फारि फारि आरो नोगोररि लोगो खालामनो थाखाय आसाम जोनोम आरो थैनाय रेबथुमनाय (सोदांनाय) नेम, 2024 खौ गनायथि होनाय जादों। बेजों लोगोसेनो गोग्गो लोंग्रा दैखौ जगायनायनि बेलायाव मोनफ्रोमबो नख 'रव गोग्गो लोंग्रा दै जगायनायखौ रोखा खालामनो आरो दिब्रुगढ, शिबसागर, तेजपुर आरो सा-लक्षिमपुरआव मोनब्रै दै जगायथाय बिथांखिखौ मावफुंनो थाखाय 207.92 कौटि रं गनायथि होनाय जायो।

### गोदान बोसोरनि गिबि सानाव रडज्यो बँगिरिया गुबुन गुबुन मन्दिरफोराव फुजा खालामदों

सोरबाया गोदान बोसोरखौ बरयनायनि मुडै बायदि रोखोमै रंजाथाय फालिदों। बेबायदिनो आसामनि रडज्यो बँगिरि लक्ष्मन प्रसाद आचार्यआबो गोदान बोसोर 2025 इं माइथायनि दिने गिबि सानाव गुवाहाटी नोगोरनि दाब दाब जायगायाव थानाय मन्दिरफोराव दावबायनानै फुजा खालामहैदों। गिबियाव रडज्यो बँगिरि आचार्यआ गावनि अन्जालि बिसि कुमुत देबिखौ लोगोआव लाफानानै उजान बाजारआव थानाय हनुमान मन्दिर आरो शिभ मन्दिरआव दावबायहैनानै फुजा खालामदों। गोदान बोसोराव आसामनि साफ्रोमबो सुबुंफोरा जाहाथे गाव गावनि सिमां, मिजिं आरो थांखिफोरखौ जाफुहोनो हायो आरो बयनिबो देहाया जाहाथे गोग्गोयै थायो बेनि थाखाय इशोरनिस्सिम आर 'ज खालामो। बयनिबो जिउआव जेब्लायबो सुखु, गोजोन लाबोनानै होफेगोनखौ रडज्यो बँगिरिआ मिजिंथिनय फोरमायो।

### रडज्यो सरकारआ दिब्रुगढ आरो शिलचरआवबो जुनातसालि गायसनगोन: गिबि मन्थि

दुलाराय सा-सान्जानि गेजेरावनो मोनसेल' जुनातसालि आरो बेयो सा-सान्जा ओन्सोलनि बेसेन गोसा जिब-जुनातखौ रैखाथि होनायनि मोनसे मिरु। बे जुनातसालियाव गुबुन गुबुन फोलेरनि जिब-जुनातफोरखौ लाखिनानै दोन्नाय जादों। बे जुनातसालिखौ फोजौखानो थाखाय रडज्यो सरकारआ सिगांनिफ्रायनो थांखि लाबोनाय बायदिनो मोनसे गोदानारि महर होनायनि थाखाय दिने बे बिथांखिखौ मावफुंनो थांगासिनो दड होनानै फोरमायो गिबि मन्थिआ। बिथाड बुंबावोदि, रडज्यो सरकारआ दिब्रुगढ आरो शिलचरआवबो गैने जुनातसालि गायसनो थाखाय थांखि लाखाबाय। बे मोनैबो जुनातसालिखौ मोनसे उदां जुनातसालि महरै 259 कौटि आरो 214 कौटि रंजों लुफुंनाय जागोन। रडज्यो सरकारआ साबुयाआव जिब-जुनात फाहामथायनि थाखाय इन्स्टिटुट अफ वाइल्डलाइफ गायसनो थाखायबो थांखि लादों। रडज्योनि मोनफ्रोमबो हाग्रा ओन्सोलफोराव मैदेर आरो मोसाखौ लाफानानै हाग्रानि जायखि जाया जुनातखौ मैहुर खालामग्राफोरखौ दबथायनो थाखाय आसाम पुलिसनि आवथायाव स्पिसेल टाक्स फर्स दाफुंनाय जाबाय। रडज्यो सरकारआ मैहुर खालामनायखौ होबथानो आरो जुनातनि अन्जिमाखौ बांहोनो थाखाय 74 रोजा बिघा हाग्रानि हाफोरखौ दख 'ल खालामग्राफोरनिफ्राय उदां खालामनाय जाबाय होनानै गिबि मन्थिआ बुंबावो। दिनेनै बे हाबाफारिनि गेजेरजोंनो गिबि मन्थि ७ शर्माआ आसामाव मैदेर अन्जिमानि सानजथायनि सायाव थियारि खालामनाय मोनसे रिपटखौबो बेखेवनानै होयो। रिपट बायदिब्ला, आसामनाडै बे समाव गासै 5828 मैदेर दड। दिनेनै बे हाबाफारियाव गिबि मन्थिजों लोगोसे आबहावा आरो हाग्रा बिफाननि मन्थि चन्द्र महन पाठवारि, देहा आरो नख 'र अन्साय बिफाननि मन्थि अशक सिंहल, गुवाहाटीनि एमपि बिजुलि कलिता मेधिजों लोगोसे हाग्रा बिफाननि गुबुन गोबं गोजौ थाखोनि मावख 'फोराबो बाहागो लादों।

### शिलगाराव सिखाजों गाग्लोबनाय जाथायाव नख 'र सेनिनो साथाम सोद्रोमाफोरनि जोखोम

देहा फाहामसालियाव फाहामथाय लागसिनो दं। बे जाथायनि सोमोन्दै सिमना रैखाथि हान्जानि बारग' मावफारिया सुरेश चन्द्र बर्मननि गुबुन सासे फिसाज्ला अलकेश बर्मनआ फोरमायनाय बादिब्ला, मैया हरनि 10 रिगायाव बिसोरनि न'सुंसेनि गंसे नख 'र सिखा लानानै बिसोरनि सायाव हरखाबै गाग्लोबनानै बुथारनो नाजायो। न'सुंसे नख 'रनि देबानन बर्मन, सुजित बर्मन नाथ, ज्यतसना बर्मन आरो दिपेन बर्मनआ आखाइ-आखाइ सिखा लानानै बिसोरनि न'याव खहा कालामनायजों लोगोसे बिसोरनि सायाव गाग्लोबफैयो। गाग्लोबग्राफोरा सोमोन्दोयाव बिफा, फिसाजो, बिजामादै आरो फिसौ होनानै अलकेश बर्मनआ फोरमायो। जाथायनि सोमोन्दै कक्राझार सदर थानायाव गांसे एजाहार थिसनहैनय जादों होनानै अलकेश बर्मनआ फोरमायो। गुबुन फासँथि, पुलिसआ गाग्लोबनाय जाथायनि दायनिगिरि देबानन बर्मनजों लोगोसे सानै दायगिरिखौ हमनो हाबाय होनानै मिथिनो मोन्नाय जादों।

### गोदान बोसोरनि गिबि सानखालि मोजां हास्थायनानै बिटिसिनि बुंथिगिरि कतिराम बर'आ बाथौ आर'जआव बाहागो लादों

लायो। गुबुन फासँथि, कक्राझार टाउन बाथौ थानसालियाव गोदानै लुनाय बाथौ बिथिखौ बेखेवनानै होयो बिटिसिनि बुंथिगिरि कातिरं बर'आ। बेराफासँथि, फेगो मागो दाननि नैथि मंगलवार एबा गोथार बाथौ सान फालिथायाव गाहाइ आलासि महरै मिरुनि मन्थि सर्बानन्द सन 'वालआ बाहागो लानायजों लोगोसे बे हाबाफारियाव आसाम बिधान सभानि बुंथिगिरि बिस्वजित दैमारीआ बाहागो लागोन होनानै कक्राझार बाथौ थानसालि आरो हारिमुवारि मिरुनि लिंथुमगिरि महिम बसुमतारिआ मिथिहदों।

(1 बिलाइनिफ्राय)

## गं 56 गोदान इलेक्ट्रिक बास सिबिथायजों लोगोसे खानापाराआव गोदानै लुनाय रडज्योआरि थाखोनि बास टर्मिनेल बेखेवदों

आसामखौ दावगालांहोनो रडज्यो सरकार जाय थांखि लादों बेनि बाहागो महरै बे इलेक्ट्रिक बास सिबिथायखौ बेखेवनाय जादों होनानै बिथाड बुडो। लोगोसे बिथाड बुडोदि, दासान्दि आसाम रडज्योआरि हान्थामेला निगमनि सिडव रडज्योयाव सोलिबाय थानाय इलेक्ट्रिक बासफोरजों लोगोसे दिने जागायजेन्नाय इलेक्ट्रिक बास सिबिथाया साखोन-सिखोन, गोथां आरो काबजाथाव इयुनिनि बितिडव रडज्योखौ मोजाडै दावगालांहोनो हागोन। बावैसो सिगांनि साभैआव गुवाहाटी नोगोरमाया बाडइ आबाहावा गुबुले नोगोरमा महरै गनायथि मोन्दों। आसाम सरकार 2021 माइथायनि 20 आगस्टखालि खुंनाय केबिनेटआव गुवाहाटी नोगोरमा आरो बेनि खाथि-खाला ओन्सोलाव गं 100 टिएनजि बास आरो गं 200 इलेक्ट्रिक बास बायनायनि थांखि लादोंमोन होन्ना फोरमायनानै गिबि मन्थिआ बुडोदि बे थांखि बायदियै गं 100 सिएनजि बास सिबिथाय जागायजेन्नायनि अनगायैबो थांनाय बोसोरनि गिबि सानाव गं 200 एसि इलेक्ट्रिक बास सिबिथाय बेखेवनाय जादोंमोन। गोथां हान्थामेला रहानि बिथिडव रडज्यो सरकारनि बिबाननि बाहागो महरै दिने फिन गं 56 एसि बास सिबिथायखौ बेखेवनाय जादों। बेनि जाउनाव गासै गं 356 रोखोमसे बास सिबिथाया नोगोरमा आरो बेनि खाथि-खाला ओन्सोलफोरखौ लाफागोन होनानै बिथाड बुडो। लोगोसे गिबि मन्थिआ बुडोदि, सोलिफु बोसोराव गाहाइ मन्थि इ-बास सिबिथायनि सिडव गुवाहाटीनि थाखाय लाबोनाय गं 100 एसि इलेक्ट्रिक बासनि थाखायबो गनायथि होदों। जाउनाव फेगौ सानफोराव गुवाहाटीनि माखासे गोनांथार लामायाव इलेक्ट्रिक बास आरो सिपनजि बासल' सोलिगोन आरो खोलोब महरै गुवाहाटीयाव सोलिबाय थानाय डिजेल बासफोरखौ गुबुन जायगायाव हान्थामेलानि थाखाय रहा खालामनाय जागोन। गिबि मन्थिआ बुडोदि, बे गोदान इलेक्ट्रिक बास सिबिथायजों समानैनो दिने आसामजों लोगोसे सा-सान्जानि माखासे रडज्योनि बास दावबायारिफोरनि मोनसे गोलाव समनि गोनांथिखौ सुफुंनानै खानापारायाव गोदानै लुनाय रडज्योआरि थाखोनि बास टर्मिनेलखौ बेखेवनाय जायो। बिथाड बुडोदि, 5 बिघा हायाव 12.26 कौटि रं बाहायनानै लुनाय बे बास टर्मिनेला दावबायारिफोरनि जेनाफोरखौ बाडइ खालामनायजों लोगोसे ट्रेफिकनि जेनाफोरखौबो फोजोबखानायाव मदद होगोन। बे बास टर्मिनेलआव मोनसे समावनो गं 10 बास लाखिनो हागोन होन्ना फोरमायनानै बिथाड बुडोदि बे टर्मिनेला बेटकुसिनि आइएसबिटिनिफ्राय अखं आसाम, साहा आसाम, हाजोयारि जिल्लाफोरजों लोगोसे बराक हायेन आरो न'सुंसे रडज्यो नागालेण्ड, अरुणाचल प्रदेश, मनिपुर, मेघालय, मिज 'राम आरो त्रिपुरासिम थांनाय बासफोरा दावबायारिफोरनि पिकआप पड्ट महरै बाहायनायनो हागोन। लोगोसे गिबि मन्थिआ बुडोदि, आफां आसामनि दावबायारिफोरनि खाबुनि थाखाय शरइघाट दालांनि सिडव जालुकुबारियाव गुबुन गंसे बास टर्मिनेल लुनाय जागोन आरो आथिखालनि रडज्यो सरकारनि खुंथाय समाव हान्थामेला बिफानाव गुबुन गुबुन जौगालु खामानि मावनाय जादों। डिजिटल आदबजों दावबायारि सिबिथाय होनायनि बिथिडव एबा हान्थामेलानि बिफाननि सिबिथाय मोन्नो नागिरनाय दावबायारिफोरनि थाखाय खाबु होनायनि जाउनाव सरसनसा रडजो-रजाफोर मुलाम्फा मोनगोन। गुबुन फासँथि, हान्थामेला रहाखौ डिजिटलाइजेसन खालामनायनि बिथिडव आसामा सेथि जागा आवग्रिनो हादों होनानैबो गिबि मन्थिआ बुडो। हान्थामेला बिफाननि मोन 56 सिबिथायखौ 100% डिजिटलाइजेसन खालामनाय जादों आरो आसामनि जायखिजाया जिल्लानिफ्राय बे बिथिडव खामानि मावनो हानाय जादों होनानैबो गिबि मन्थिआ बुडो। आसामनि प्रग्रोमबो बिधान सभा बियाबाव गंसे मटर बिधिकेल इन्स्टिटुट गायसनानै बेनि मासिगिरिखोनो जिल्ला हान्थामेला बिबानगिरिनि सोलायै गारि सालायनायनि लाइसेन्स होनायनि बिबान होनो नागिरदों होनानैबो बिथाड बुडो। बे बायदि रहानि गेजेरजों फेगौ बोसोरफोरनि गेजेराव बिफानाव सोलिबोनाय गेना-खान्थिखौ आबु महरै फोजोबखानो हागोन होनानैबो बिथाड बुडो। गिबि मन्थिआ बुडोदि, मिरु सरकार लक सभायाव दैखानाय फोरमायथि बायदियै इलेक्ट्रिक बास बाहायनायनि बिथिहाव हादतनि गेजेराव आसामआ 6 थि जायगा आवग्रिनो हादों। रडज्योयाव सोमावसारनाय नागारनाय आबहावा फैनयनि थाखाय आसामाव 75 लाख दावबायारिफोरे फेदों आरो रडज्योया दावगायोब्ला असमीया सुबुंफोरनि मुलाम्फा मोनगोन होन्ना फोरमायनानै बिथाड बुडोदि आसाम आरो असमीयाखौ मा बायदियै दावगालांहोनय जागोन आरो हादतनि साबसिन गं 5 रडज्योनि गेजेराव जायगा आवग्रिनो हायो बे बिथिडव गोदान बोसोराव समायखिरा लानो नांगोन। बे बायदि सानसि आरो समायखिराजों बयखौबो दावगालांनोबो गिबि मन्थिआ खवलायहरो। गिबि मन्थिआ बुडोदि, आसाम रडज्योआरि हान्थामेला निगमनि आजिरा मोन्नाय बिबानगिरि-मावफारियाफोरा मोन्नो गोनां आजिरा मोन्नायनि भाट्टा होनो थाखाय रडज्यो सरकार 25 कौटि रं होनायनि खोथा फोसावो। फेगौ बोसोराव आसाम रडज्योआरि हान्थामेला निगमनि बिबानगिरि-मावफारियाफोरनो आजिरा मोन्नायनि भाट्टा होनो थाखाय आरो 50 कौटि रंनि बाजेटआव रडज्यो सरकार गनायथि होगोन होनानैबो बिथाड बुडो। बे हाबाफारि जागायजेन्नायाव गिबि मन्थि ७ शर्माआ हादतनि बारग' गाहाइ मन्थि ७ मनमहन सिंहनो सिबिनाय बाउवो। बिथाड बुडोदि, गोलाव समनिफ्रायनो बारग' गाहाइ मन्थिआ आसामनिफ्राय एमपि महरै सायख 'जानानै मिरुनि रांखान्थि मन्थि आरो हादतनि गाहाइ मन्थि महरै हादतजौ दावगालांदां आरो बेनि थाखायनो दिने सासे राजखान्थिगिरिखौ जों बयबो गोसोखादों। मेल जागायजेन्नायाव बारग' गाहाइ मन्थिनिस्सिम सिबिनाय बाउनानै 2 मिनिट सिरियै आर'ज गावनाय जायो। दिनेनै बे हाबाफारियाव पन्चायत आरो गामि जौगाखां बिफाननि मन्थि रन्जित दास, हान्थामेला बिफाननि मन्थि जगेन महन, उद्यग-फालांगि आरो रडजोआरि फसंथान बिफाननि मन्थि बिमल बरा, रांखान्थि बिफाननि मन्थि अजन्ता नेउग, दै फुंखा बफाननि मन्थि पिपुष हाजरिका, गेलेमु बिफाननि मन्थि नन्दिता गाल 'सा, एमपि बिजुलि कलिता मेधि, गुवाहाटी नोगोर निगमनि मेयर मृगेन शरनिनाय, गिबि मन्थिनि सेक्रेटारि ७ रबि कता, आसाम रडज्योआरि हान्थामेला निगमनि मासिगिरि पल्लव लचन दास आरो लेडाइ मासिगिरि प्रनबज्यति लहकर, गुनाहाटी नोगोरमा जौगाथाय बिफाननि मासिगिरि नारायन देका, हान्थामेला बिफाननि सेक्रेटारि आदिल खान, आसाम रडज्योआरि हान्थामेला निगमनि सामब्लायथाय बिथोनगिरि चिन्मय फुकनजों लोगोसे गोबां गेदेमा सुबुंफोरा बाहागो लायो।

### मेघालयनि बारग' रडज्यो बँगिरिया

### आसामनि रडज्यो बँगिरिखौ लोगो हमदों

मिबिथिहोनायाव हेफाजाब होगोन होनानै फोरमायो। मख 'नाय जायोदि, कक्राझार जिल्ला गसाइगाव महकुमानि सिडव थानाय अदलागुरि गामियाव 1946 माइथायाव जोनोम मोन्नाय रन्जित शेखर मुसाहारिआ सासे आइपिएस अपिसारमोन। बिथाड सिगाडव नेसनेल सिक्किरिटि गार्ड (एनएसजि) आरो बर्डर सिक्किरिटि फर्स (बिएएसएफ) नि डाइरेक्टर जेनेरेल महरै साखि मावबोदोंमोन। बेनि उनाव 2008 निफ्राय 2013 सिम मेघालय रडज्योनि रडज्यो बँगिरि महरै बिबान रुजुदोंमोन।

### सुक्लाइनि जोहोलावपुरि पार्कआव गोदानै लुफुंनाय हारिमुआरि जौसांखौ बिश्वजित दैमारीआ बेखेवबाय

बाहागो लानानै गोदानै लुफुंनाय बे हारिमुआरि जौसांखौ फिथा हास 'नानै बेखेवनानै होयो। मख 'नाय जायोदि, बे हारिमुआरि जौसांखौ ओन्सोलनि रडजो-रजाफोरनि हास्थायनाय आरो खवलायनाय बायदियै आसाम आइन आफादनि बुंथिगिरि बिश्वजित दैमारीनि नाजानायजों आसाम सरकारनि रांखान्थिनि हेफाजाबव लुफुंनाय जादों। गोदानै बेखेवनाय बे हारिमुआरि जौसाड रडजो-रजाफोरनि थाखाय खाबु लानो जागोन। बे जौसांखौ बेखेवनायनि गेजेरजों बेयाव बायदि रोखोमनि हाबाफारिफोरखौ गोनां हासिगो। मख 'नो गोनांदि, तामुलपुर डिजिटलनि सिडव थानाय सुक्लाइनि जोहोलावपुरि पार्कआ दावबायारिफोरखौ गोसो बोनो हाग्रा मोनसे समाइना दावबायथिलि। बायदि बायदि रोखोमनि रं-बेर बिबारजों बुंफबनाय बे जोहोलावपुरि पार्कआव आसामनि दाब-दाब जायगानि सुबुंफोरा फैनानै गोजोन्नाय लाफैयो। बे पार्कनि समाइना-रमाइना बिबारफोरनो दावबायारिफोरनि गोसोखौ गोजोन्ग्लाय होयो। बे पार्कखौ बांसिन जौगाहोनो आरो दावबायारिफोरखौ बांसिन गोसो बोहोनो हानाय बायदि साजायनो थाखाय आसाम आइन आफादनि बुंथिगिरि बिश्वजित दैमारीआ नाजागासिनो। बेनिनो बिदिन्थि महरै दिने रडजो-रजाफोरनि थाखाय गोदानै लुफुंनाय हारिमुआरि जौसांखौ बिश्वजित दैमारीआ बेखेवनानै होयो।



## गाहाम देहानि राहा

लेबुनि बिदैजों माखासे मुवाखौ गलायना लोडोब्ला उदैनि जेंनानिफ्राय रैखा मोनो

गोबां सुबुडानो मोदोम देरनायनिफ्राय रेहाय मोन्नो गोब्राब ब्याम खालामनानै गोलोमदै गहयो। नाथाय बेबादि थासारियावबो गोबाडनो बे जेंनानिफ्राय रेहाय मोन्नो हाया जायो। वर्कआउटजों लोगोसे डाइटआव माखासे ट्रिंकसखौ सोफायोब्ला बे जेंनानिफ्राय रेहाय मोनो। लेबुनि बिदैआव मोनसे रोखोमनि मस्लाखौ गलायना लोडोब्ला लिरथाय खमायनायाव रेहाय मोनो। लिरथाय खमायनायनि थाखाय गिलाससे लेबु बिदैनि दैयाव एसे हाल्दै गलायना लोन्नो। बे बादि बिदैखौ फु'नि रुटिनआव सोफायोब्ला मुलाम्फा मोनो। ब्याम खालामनायजों लोगोसे हाल्दै गलायनाय लेबुनि बिदैखौ



रुटिन बादिदै लोडोब्ला देहायाव जमा जानाय उफ्रा मेजेमआ थाबैनो जानगारो एबा बार्न जायो। लेबु आरो हादैजों गलायनाय बिदैआ देहानि मेटाबलिजिमखौ गोखों खालामो। लेबुआव मोन्नाय भिटाभिन सि आरो हाल्दैआव मोन्नाय एन्टि एलिमेन्टारिगुनआ मेजेमखौ बार्न खालामनायाव मदद खालामो। मेजेम रन्नायजों लोगोसे बेबादि बिदैखौ लोडोब्ला देहानि थासारिआबो इम्युफसिन जायो।

मिथिंगायारि महरै मोन्नाय बेबादि ट्रिंकसआ जॉनि देहाखौ अभारअल इम्युफ खालामो। सानफ्रोमबो हाल्दै गलायनाय लेबुनि बिदैखौ लोडोब्ला जॉनि इम्युन सिस्टेमआ गोखों जायो। गोलोम बोथोरव बे बिदैखौ लोडोब्ला देहायाव दैनि बिबाडा दिदोमै थागोन। लोगोसे देहानि मोजां थासारिजों लोगोसे जॉनि मेगननि थाखायबो बेबादि ट्रिंकसआ मुलाम्फा गोनां।

## 2025 माइथायाव गोबां गोदान सावथुनफोर आरो वेब सिरिजफोर रिलिज जागोन

2025 माइथायनि गोदान बोसोरा जागायबाय आरो बेजों लोगोसेनो इन्टरटेनमेन्ट मुलुगआबो गोदान सावथुनफोर आरो वेब सिरिजफोरा नुजाथिगोन। बे बोसोरावबो एक्शन-थ्रिलर आरो कमिडिजों बुफबनाय मुजिथावना सावथुनफोर आरो वेब सिरिजआबो नुजाथिगोन। नायगिरिफोरा बे बोसोराव माखासे गोखों सावथुनफोरखौ नुनो मोनगोन। सलमान खाननि 'सिकन्दर' सावथुना 2025 माइथायनि समाइना सावथुनफोरनि गेजेरव मोनसे। एआर मुरुगादासनि गेजेरजों दिहुनजानाय 'सिकन्दर' सावथुनाय सलमान खान, रश्मिका मन्दाना आरो काजल आग्रवालआ गहाइ फावआव नुजाथिगोन। बे सावथुना 2025 आव ईदिनि फोबोंआव रिलिज जागोन। बावैसो सिगां बे सावथुननि टिजारखौ फोसावनाय जादोंमोन। ऋतिक रशनआ



गोदान 2019 नि ब्लकबास्टर सावथुन 'वार' नि सिक्वेलजों लोगोसे नुजाथिफैफिनो थाखाय थियारि जाबाय। अयान मुखार्जिनि गेजेरजों दिहुनजानाय बे सावथुनाय कियारा आडवाणिआ गहाइ फावआव नुजाथिगोन आरो जुनियर एन्टिआआ नेगेटिभ फावआव थागोन। आसा खालामोदि बे सावथुनखौ 2025 नि उदांस्त्रि साननि सप्ताहआव बक्स अफिसआव दोहौ

सोमजिहोगोन। तरुण मनसुखानीनि गेजेरजों दिहुनजानाय बे सावथुनाय रितेश देशमुख, अभिषेक बच्चन, सनम बाजवा आरो माखासे गुबुन स्टारफोरबो दंफायो। साजिद नाडियाडवालानि गेजेरजों

बानायजानाय बे सावथुनखौ 6 जुन 2025 माइथायाव सिनेमाहलफोरव नुनो मोनगोन। 2025 आव आमिर खानखौ 'सितारे जमिन पर' सावथुनाय नुनो मोनगोन। बेयो आमिर खाननि 2007 नि सावथुन 'तारे

जमिन पर' नि सिक्वेल आरो स्पेनिश फिल्म 'चेम्पियन्स' नि सायाव बानायनाय जागोन। सावथुनाय जेनेलिया देशमुखआबो गहाइ फावआव थागोन। दिहुनगिरिफोरा दासिमबो रिलिजनि अक्टखौ फोसावाखे। भरुण धावन आरो जाह्नभि कापुरनि 'सनी संस्कारि की तुलसी कुमारी', भिक्कि कौशल आरो रश्मिका मन्दानानि 'छावा', आलिया भाट्ट आरो शारवरी वाघनि 'अल्फा' बायदि माखासे सावथुनफोरबो नुजाथिगोन। 2025 आव बलिउडनि सुपरस्टार शाहरुख खाननि फिसाज्ला आर्यानि खानआ डायरेक्टरनि मुलुगआव डेब्यु खालामगोन।

## धर्मेन्द्रनि मोनसे भिडिअआ सशेल मिडियाआव गोखैयै भाइरेल जादों

गोदान बोसोराव मोनसेनि उनाव मोनसे हामलायथि होनाय मेसेजफोर मिडियाआव भाइरेल जादों। बलिउडनि सेलेब्सफोर गोबां अन्सायगिरिफोरखौ उइस खालामदों। बेनि गेजेरव सशेल मिडियाआव जॉनि फेभरेट आरो लिजेन्ड फावखुंगुर धर्मेन्द्रनिबो भिडिअआ सशेल मिडियाआव भाइरेल जादों। बे भिडिअआव धरम पाजिखौ गावनि अन्सायगिरिफोर जोबोद मोजां मोन्दों। भिडिअआव नोंथांमोनहा नुनो मोनगोनदि, धर्मेन्द्र आ गंसे मासियाव जिरायनानै अन्सायगिरिफोरजों बाथ्रा सावरायदों। धर्मेन्द्रआ बुडे, हेल फ्रेन्डस, नोंथांमोन गासैनिमिस गोदान बोसोरनि गाहाम हामलायथि। गासैबो मोजाडे, खुसियै आरो स्टू थादों। लाभ इड। गावनि बे मेसेजनि उनाव पाजिआ सशेल मिडियाआव गोखैयै भाइरेल जागोसिनो दड। बेनि सायाव



अन्सायगिरिफोरनि गोबां कमेन्टफोर फेगासिनो दड। सासेया लिरो, हेपि निउ इयार आंकल जी, इशोर नोंथांमोनखौ खुसियै दोन्थों, गोदान बोसोरनि हामलायथि। सानि देअवलनि फेन पेजनिफ्राय कमेन्ट फेयो, हेपि निउ इयार आंकल जी। गुबुन सासेया हार्टनि आइकनजों लोगोसे लिरोदि, हेपि निउ इयार सार। धरम पाजीनि अन्सायगिरिफोरा बिथानि बे स्टाइलखौ जोबोद मोजां मोन्दों। अदेबानि धर्मेन्द्रआ गावनि आलादा आलादा

स्टाइलजों अन्सायगिरिफोरखौ गोमोहोयो। बिथानि सशेल मिडिया पेजखौ नायोब्ला मिबथिनो मोनोदि, बिथाडा जेब्लानो सम मोनो अब्लानो गावनि फार्म हाउसआव थाडो। धरम पाजीआ बेनिफ्राय जेब्लाबो सावगारिफोर आरो भिडिअफोर शो यार खालामबाय थायो। अदेबानि माखासे सान सिगां बिथाडा गावनि पार्मआव जोनोम जानाय सानजाथाव दावफोरनि भिडिअखौ दिन्थिदोंमोन।

## राहा कापुरआबो गावनि बिमा-बिफाजों लोगोसे गुबुन हादतआव बोसोर गोदान फालिदों

2025 माइथायखौ गासै मुलुगआवबो गोसो होसारनानै बरायदों। बेनि गेजेरव सुबुंफोरा गावसिनि फेभरेट स्टारफोरनि गोदान बोसोरनि पाटि आरो सेलिब्रेसन खालामनायनि सायाव नोजोर होदों। माखासे सावथुननि स्टारफोरा गोदान बोसोरखौ फालिनो थाखाय गावनि नख'रनि सुबुंफोरजों लोगोसे बायजोआव ओंखारलादों। जेब्लाइबोनि बायदिनो बे खेबावबो माखासे स्टारफोरा गुबुन हादतआव थानानै गोदान बोसोरखौ फालिदों आरो अन्सायगिरिफोरजों लोगोसे गावसिनि जर'खा सम थानोनायफोरखौ शो यार खालामदों। बावैसो जुलि जानाय सिन्हा आरो जाहिर



इकबालआ जेब्लायबो टक अफ दा टउनआव थाबाय थायोमोन। गोदान बोसोरनि खाबुआव बे रमान्टिक जराय अस्ट्रेलियाव बन्द' फालिहैदों। निउलिवेड कापलआ साउथार्नलेन्डआव गोदान बोसोरनि रंजादों। 2025 नि जागायजेन्नायनि सिगांनो

कापुर फेमिलिखौ पाटि खालामनाय नुनो मोन्दों। सशेल मिडियाआव मोनसे भिडिअआ सोराडव फेदों, जेराव रणबिर् कापुरखौ गोदान बोसोरनि रंजानाय जागायनाय लोगो लोगोनों आंगो सिबि आलिया भाट्टखौ गोबानाय नुनो मोन्दों।

निउ कापुरआ गावनि सशेल मिडिया पस्टआव हर गेजेरवबो पाटिनि सावगारि आरो भिडिअखौ शो यार खालामदोंमोन। बेनि गेजेरजों फिसाजो राहाखौबो गावनि बिफाखौ गोबानाय नुनो मोन्दों। शिल्पा शेट्टिआबो सशेल

मिडियाआव जोबोद एक्टिभ थायो आरो अन्सायगिरिफोरजों लोगोसे गावसिनि पारसनेल लाइफनि नुथायखौ शो यार खालामबाय थायो। फावखुंग्रिया सशेल मिडियाआव मोनसे भिडिअ शो यार खालामदों, जेराव बिथानि नख'रजों लोगोसे जोबोद रंजाथाय लानाय नुनो मोन्दों। तमन्ना भाटियाआबो बे बोसोराव गावनि पारसनेल लाइफ आरो प्रफेशनेल लाइफ मोन्नेखौ लानानैबो लाइम लाइटआव थादों। 2024 आव बिथानि सावथुनफोरा मोजाडेनो जाफुंसारदों बेजों लोगोसेनो बिथानि मेथाइ'आज की रात' आ जोबोद हिट आरो भाइरेल जादों।

## 'बेबि जन' सावथुननि 7थि साननि कालेक्सनखौ दावखोनाय नुदों

2024 माइथाया जोबना थांबाय, नाथाय थानाय बोसोरनि सावथुनफोरा लान्थियै सुबुंफोरखौ एन्टारटेन खालामगासिनो दह। फारसेथि, जेराव आल्लु अर्जुन आरो रश्मिका मन्दानानि 'पुष्पा 2' सावथुना बक्स अफिसनिफ्राय जेन्नायनि मुं लायाखे। गुबुन फारसेथि 'जवान' सावथुननि डायरेक्टर एटलिनि प्रडक्सनआव दिहुनजानाय 'बेबि जन' सावथुना सुबुंफोरखौ एन्टारटेन खालामनो नाजागासिनो दड। अदेबानि पुष्पा 2 सावथुननि सिगाडव बेबि जनआ देहानो हायाखे। नाथाय गोदान बोसोरा भरुण धावननि सावथुननि थाखाय मोनसे गोदान मिजिं लानानै फेदों। रिलिजनि 5थि सानाव जेराव सावथुना मोजां रं आरजिनो हादोंमोन, नाथाय 6थि साननि कालेक्सनखौ फिन दावखलायनाय नुनो मोन्दोंमोन। बबेखानि भरुण धावननि बेबि जन सावथुननि मंगलबार बायया मोजाडेनो थादों आरो सावथुननि कालेक्सनआव बांनयखौ नुनो मोन्दों। एटलिनि बे सावथुनाय भरुण धावनआ गिबि खेब फुल प्लेज एक्शन खालामानै जोबोद आलादा लुकआव नुजाथिदों।



सावथुननि पस्टरनिफ्राय लानानै ट्रेलारसिमखौ नायोब्ला सानगोनदि, जवान सावथुन बायदिनो एटलिनि बे सावथुनाबो दोहौ सोमजिहोगोन। नाथाय बिब्दि जायाखे आरो सावथुना बक्स अफिसआव लासै लासैयै

आवगाय लांगासिनो दड। रिलिजनि 7थि सानाव सावथुननि रं आरजिनायाव दावखोनायखौ नुनो मोनो। सुलुनि बायदिब्ला, भरुण धावन आरो वामिका गम्बिनि बेबि जन सावथुना मंगलबारखालि रिलिजनि 7थि सानाव 2.1

कौटि रॉनि खाथियाव फालांगि खालामदों। अदेबानि 6थि सानाव बेनि कालेक्सनआ 1.80 कौटि रॉनि खाथियावमोन। गोदान बोसोराव आगान होनायनि सानसे सिगां कालेक्सन बांनया मेकासफोरनि गोसोआव मिजिं सिखांहोदों। बेबि जन सावथुना सप्ताहसेआव गासै 32.6 कौटि रॉनि खाथियाव रं आरजियो आरो 36.5 कौटि रॉनि खाथियाव सौहैयो। इन्डियाआव लासैयै दावखोलांनय बे सावथुना मुलुगनाडेनो 45.1 कौटि रॉनि कालेक्सन खालामबाय। अभारसिजन मार्केटआव बे सावथुना गासै 8.6 कौटिनि खाथियाव रं आरजिबाय।

## दाया आंनिनो

(□ 5 बिलाइनिफ्राय) हायो जाय बिजाथिया देराहायोब्ला हारि हादरनि मुलाम्फा आरो जायबिजाथिया जेनोब्ला हारि आरो ओन्सोलनि सुफुंख' हाये खहा आरो जाय खहाखौ इडनावबो सुफुंख' हाया। बिनि खायनो आं सम सम बिसायख'थिनि बाथ्राखौ सानोब्ला आरो हारि, हादरनि इडनखौ गोसो खांब्ला आंखौनो बावगोमा लाडे प्रताप। आरो बायदि बायदि सानबोलावरी आंनि गोबोंआव जाखांफेयो। हारिखौ लानानै।

बेफोर बायदि बाथ्राखौ दोनथ'दोले रोन्दाव नोंथां, साननो गोनाड बेल'सैदि जोंहा दानि फेगौ बिसायथ'थियाव सोर बिजाथिया देरहागोन आरो सोर बायदि एम.एल.ए. खौ "बिदा गोदै" एबा सोर एम.एल.ए.खौ "बिब'गोदै" लिंनो हागोन बेल' जॉनि साननो गोनां बाथ्रा। जैरेब्लाबो बे खेबाव "बिदा गोदै" एबा बिब' गोदै

## स्कूइड गेमनि मेकारफोरा गोदान बोसोराव गिदिर अन्थोब होदों



करियान वेब सिरिज स्कूइड गेम आआथिखालाव मुलुगनाडे दोहौ सोमजिहोगासिनो दड। बे सिरिजनि नैथि सिजनखौ बावैसो सिगां रिलीज खालामनाय जादोंमोन। नैथि सिजननि नुजाथिफेनायजों लोगोसेनो थामथि सिजनआबो गोबां खौराडव थादोंमोन। मेकारफोराबो बेनि फाइनाल पाटिनि सोमोन्दै माखासे

इन्टारभउफोराव बाथ्रा सावरायदोंमोन। अदेबानि आथिखालाव नेटफ्लिक्सआ गोदान बोसोरनि खाबुआव अन्सायगिरिफोरनो गाहाम हामलायथि होनायजों लोगोसे सिजन 3 नि रिलीज जागोनखौबो रोखा खालामनानै होदों। स्कूइड गेम 3 खौ अन्सायगिरिफोर नायनो थाखाय नेनानै दड। ससेल मिडियाआव जेरावबो बेनिल' सावरायनाय

जागासिनो दड। गोदान बोसोरनि खाबुआव अडि'ये'न्स'फो'र'नि एक्साइटेमेन्टखौ फोजोबनायजों लोगोसे नेटफ्लिक्सआ मोनसे पस्टशेयार खालामदों आरो बेव मोनसे-मोननै डल नुनो मोन्दों। बेनि मादाव मोनसेखौ नोंथांमोनहा गिबि सिजनआव नुदों जानांगौ आरो मेल डलखौ सिजन 2 नि जोबथा पस्टक्रेडिट सीनआव नुदों। पस्ट शेयार

कालामनानै नेटफ्लिक्सआ केप्सनआव लिरदोंदि, अल डलड अफ एन्ड रेडि स्कूइड गेमखौ नायनो थाखाय थियारि जादों। 2025 माइथायाव नेटफ्लिक्सआव बे पस्टआ नुजाथिनायनि उनाव अन्सायगिरिफोरनि खुसिआ बिथा गैयै जादों। स्कूइड गेमनि डिरेक्सन आरो लिरगिरि मोननैबो हाबाखौ हवां ड-ह्युकआनो सामलायदों। सिरिजनि थामथि खोन्दोनि सायाव बाथ्रा सावरायनायनि बिथानोमोनहा मिथिहोदोंदि, बे सिजनखौ नायगिरिफोरा गोरोन्थियावबो मिस खालामनो नाड। मानोना डं ह्युकआ बेयाव माखासे गोदान सोदेरदों, जायखौ नायगिरिपोरा जोबोद मोजां मोनगोन आरो बेखौ अफिसिएल एनाउन्समेन्टबो खालामनाय जाबाय। बेनि स्टारकास्टनि बाथ्रा सावरायोब्ला ग-जे, लि ब्युं-हुन आरो वि हा-जुनमोनखौ गहाइ फाव दिन्थिनाय नुनो मोन्दों। बेनि अनगायैबो यिम सि-वान, कां हा न्युल, पार्क ग्यु-यं, पार्क सुं हुन, ज यु रि, यां डं ग्युन, कां ए-सिम, लि डेविड आरो लि जिन-इडके खौबो बे सिजनआव कास्ट खालामनाय जादों।

रायजलानांगौ आमोखानाव थां होन्नानै बुडे। अब्ला बेफोरनि गुदियाव एम.एल.ए. आनो रॉनि खांखुवा नड होन्नानै सोर फोथायनो। रायजो राजाफोरनिफ्राय रं लुथिनायनि गुदियावदो दं सोरबा फोथाय खेबस' एम.एल.ए.नि फान्दायनाय। बेनि खायनो साननो गोनां जायो जॉनि बिखानि थैखो दै खालामनानै बेसेन गोसा भट होनायनि बेसेना बवाव थोखो ? आरो रायजो-राजानि मोनांगौ मोनथाया बहा गोमाखो ?? बिब्दि बुंनानै रोन्दाउआ आखायनि घरीखौ नायो।


थौ रोन्दाउ थांदिनि समाबो जाबाय। बेफोरखौ रायज्जायबाय थायोब्ला गावनि उदैयासो सुथेगोन। बबेनि दैया बबेथिं बौहैयो नेनानै थादिनि। जैरेखि जाया एम.एल.ए.खौ "बिदा गोदै एबा "बिब' गोदै" लिंनो मोनब्लानो जाबाय।

बिदि बुंनानै सानैबो साइकेल बोरायाव गाखोनाय नफारसे लामफैथाहोलाडे.....।



## गोदान बोसोरनि सानाव रासियाआव दावहानि गेजेराव दावबायारि खाजोनायाव गोहोम गोग्लैदों

मस्क, 1 जानुवारि: गोदान बोसोरनि गिबि सानाव दावबायारि खाजोनाया गासै रासियाआव गोहोम गोग्लैदों। बे खाजोनाया रिसर्टनि मासुलखौ सोलायगोन। 1 जानुवारि, 2025 माइथायनफ्राय, हटेल आरो गुबुन थाग्रा खुलिफोराव थाग्रा दावबायारिफोरा गावसोरनि थानायनि खरसानि 1 जौखोन्दो उफ्रा बिहोमा होगोन। बे खाजोनाखौ जुलाइ 2024 माइथाइयाव रासियानि खाजोना कडआव मोनसे सोदानायनि बाहागो महरै थिसननाय जादोंमोन, जेराव 'दावबायारि खाजोना' मुनि मोनसे गोदान आयदाखौ दाजाबदेरनाय जादोंमोन। बे आयदानि सिखव, ओन्सोलारि बिबानगिरिफोरा ओन्सोलारि मासुल महरै बे खाजोनाखौ जाबसिननायनि मोनथाय मोनदोंमोन। गोबां सेक्टरफोर, गुबैये गायसनजानाय एबा जाखोफुनाय दावबायथाय दारिमिनफोर गोनांफोरा बेखौ सिगांनफ्रायनो बोजबना लाखाबाय। आथिखालनि फ्रेमवर्कनि



सिखव, दावबायारि खाजोनाया 2025 माइथाइयाव 1 जौखोन्दोनि हारजों जागायगोन आरो 2027 माइथायसिम लासै-लासै 3 जौखोन्दोसिम बांगोन। बाडयसिन बिहोमा मोन्नायखौ थि खालामनो थाखाय बाडयसिन सानफ्रोमबोनि मासुलखौ 100 रुबल (0.9) थि खालामनाय जादों। हटेल आरो गुबुन थाग्रा खुलिफोरा आरोदायारि महरै खाजोना होग्राब्लावो, बेसेनखौ थानायनि बेसेनाव सोफानाय जागोन। बेबादिनो बेखौ दावबायारिफोरनि सायाव दोन्नाय जागोन। बेजों लोगोसे,

जायगायारि खौरां बिजोड फोरमायदोंमोन दि, रासियाआ 1 जानुवारि, 2025 माइथायनफ्राय ककिं खैला, एन्थासाइट आरो थार्मल खैलायाव दैथायहरनाय खाजोनाखौबो मावख'आरि महरै बोखारबाय। 1 अक्टबर 2023 माइथाइयाव बाहायजानाय, 2024 माइथायनि जोबनायसिम दैथायहरनाय खाजोनाया सोलिगासिनो दंमोन। बबेखानि, एन्थेसाइट आरो थार्मल खैलायाव खाजोनाखौ उनाव 1 मे आरो 30 नभेम्बर, 2024 माइथायनि गेजेराव अरायथा

नडि महरै दोनथ'नाय जादोंमोन। नभेम्बर 2024 माइथाइयाव रासिया सरकारा ककिं खैलायाव हरनाय खाजोनाखौ समनि सिगां बोखारनो थिरांथा लादोंमोन आरो खैला दारिमिनखौ हेफाजाब होनो थाखाय एन्थेसाइट आरो थार्मल खैलायाव खाजोनाखौ दोनथनायखौ बांहोदोंमोन।

## जार्मानियाव गोदान बोसोरनि मोनाबिलि समाव सिखाजों गाग्लोबनाय जाथाय सोमजिदों

बार्लिन, 1 जानुवारि: जार्मानियाव गोदान बोसोरनि मोनाबिलियाव सोनाब बार्लिनाव हरखाबै सिखाजों गाग्लोबनाय जाथाय सोमजियो। बे गाग्लोबनायाव गोबां सुबुंफोरा जोखोम जादों। बेनि गेजेराव सानै जोखोम जानाय सुबुंफोरखौ देहा फाहामसालियाव थिसननाय जादों। बिसोरनि अबस्थाया खैफोद गोनां होनना बुंनाय जादों, पुलिसआ बे जाथायनि बागै फोरमायदों। बे जाथाया मंगलबारखालि जायगायारि सम बायदियै फुनि 11:50 रिं'गासोआव राजथावनिनि सिरि जिल्ला शार्लेटनबर्गनि मोनसे सुपरमार्केटनि बायजोआव जादोंमोन। नुगिरिफोरा बुडे दि, गोबां लामानि सुबुंफोरनि थाखाय आखाय होनाय आरो बिथांखौ सामलायनाया जाथावना नडामोन। गाग्लोबनाया बिथांखौ जेरै-मेरै सुयो। दान्दिसे समनि उनाव, हरखाब सिबिथायफोरा खामानियाव फेयो आरो सनदेह' गोनां सुबुंखौ पुलिसनि आवथायाव लानाय जायो। जार्मान खौरां एजेन्सिआ फोरमायदोंदि, बे समाव गाग्लोबनायनि आन्दोआव उदखारिफोरनि थांखिनि जेबो इसारा गैया।




हरखाब गोनांथि सिबिथायफोरखौ सानजौफुनि 12:00 रिं'गानि एसे सम सिगां सां'ग्रां खालामनाय जादोंमोन। रिपर्टनि बायदिब्ला, गाग्लोबनाया क्वेडलिनबर्गर स्ट्रेस आरो समरिस्ट्रासेनि

खनायाव मोनसे सुपरमार्केट सिखव जागायदोंमोन। पुलिसआ बुं'दोंमोन दि, सिखागोनां सुबुड खाथिनि मोनसे हटेलनि खाथिनि फु ट पा थ आ व ओंखारलादोंमोन। पुलिसआ

आरोबाव बुं'दोंमोन दि, सनदेह' गोनां, स्वीडेनआव थाग्रा सासे सिरियानि नोगोरारिआ गावनि बुथारजानायफोरखौ मोनसे सुपरमार्केटनिफ्राय खावनाय सिखाजों सुयो। पुलिसआ

दासिमबो जाथाय एबा बुथारजानायफोरनि सोमोन्दै बांसिन खौरां फोसावाखै आरो नायबिजिननाया सोलिगासिनो दं। बिनि सिगाडव 2024 माइथाइयाव, जार्मानि चेन्सेलर अलाफ शलजआ सासे सिरियानि आश्रय नागिरिग्राखौ सोनाबारि रायजो नर्थ राइन-वेस्ट फेलियायाव साथाम सुबुंफोरखौ खासि-बिसियै बुथारनाय आरो बुथारनायनि दाय होदोंमोन। 'बेयो जों बयनिबो बेरेखायै मोनसे उदखारि, उदखारि मोन, बिथाड सलिंगन सहराव दावबायनाय समाव बुं'दोंमोन। बे जाथाया आगस्त 2024 माइथायनि समाव सलिंगेनआव जादोंमोन।

## जेलेन्स्कीआ पुतिननि मोनसे गिदिर खहा खालामदों



जगायनायनि दाइन जौखोन्दोसो जायो। गेसखौ मोनब्रै पाइपलाइननि गेजेरजों जगायनाय जागासिनो दंमोन। बे पाइपलाइनफोरा बाल्टिक लैथोनि सिखव, बेलारुस आरो पलेन्डनि गेजेरजों, इउक्रेनि गेजेरजों आरो तुर्कानिफ्राय बुल्गारियासिम मोनसे गोसोम लैथोनि सिखव खारो। दावहा जागायजेन्नायनि उनाव, रुबलआव रां होनांगोनि दाबिखौ लानानै नांलायनायनि उनाव रासियाआ बाल्टिक आरो बेलारुस-पलेन्ड पाइपलाइनफोरनि गेजेरजों बांसिन जगायनायखौ बन्द' खालामदोंमोन। रासियाआ गोदान बोसोरनि मोनाबिलियाव बुधबागव क्विभखौ इनजों गाग्लोबदोंमोन। सानै सुबुंफोर थेंदोंमोन आरो साद' सुबुंफोरा जोखोम जादोंमोन। गाग्लोबनायाव बिलडिंफोराबो खहा जादोंमोन। इउक्रेनआ बुं'दोंमोन दि, 111 इनफोरनि गेजेराव 63 इनफोरखौ फोजोबस्त्रांनय जादोंमोन। 46 आ इलेक्ट्रिक महरै जाम जादोंमोन।

क्विभ, 1 जानुवारि: इउक्रेनि गेजेरजों थानाय सभियेट-जुगनि पाइपलाइनफोरनि गेजेरजों रासियानि गेस दैथायहरनाया गोदान बोसोरनि गिबि सानआव थाबथादोंमोन। बेयो इउरपनि गोहो हाथाइफोराव मस्क'नि 10 बोसोरनि गोहोम खोख्लैनायनि जोबनायखौ दिन्थियो। दावहानि सिगांनि गोरोबथा जोबनायनि उनाव इउक्रेनआ बेखौ बारायनो नेवसिगारदोंमोन। सिगांनि सभियेट इडनियन आरो उनाव रासियाआ इउर'पनि गेस हाथाइखौ गादबनो गोबाव सम लादोंमोन, जाय गावनि थिखिनियाव 35 जौखोन्दोसो सौहैदोंमोन। नाथाय इउ.पि.आ इउक्रेनआव दावहा

जागायजेन्नायनिफ्राय नर्वे, काटर आरो जुथाइ राइज्यो आमेरिकानिफ्राय बायनानै रासियानि गोहोनि सायाव सोनारनायखौ बाडय खालामबाय। इउक्रेनि गोहो मन्थि हरमान हात्सुचेन्कोआ बुधवारनि फुंआव बेखौ रोखा खालामनानै बुं'दोंमोन दि, क्विभआ हायुंआरि रैखाथिनि मोजांनि थाखाय गेसनि बोहैनायखौ होबथादोंमोन। बे थिरांथाया इउक्रे नखौ रासियानिफ्राय ट्रेन्जिट फिजआव बोसोराव 800 मिलियन डलार खहा खालामगोन, बबेखानि रासियानि कम्पानि गजप्रमआ 5 बिलियन डलार खहा खालामगोन। रासियानि गेसआ आथिखालआव इउरपनि

## शेख हसिनानि दोलोआ बांग्लादेशआव बिसायख'थि गेलेनो हागौ

ढाका, 1 जानुवारि: बांग्लादेशनि गाहाइ बिसायख'थि कमिसनार ए.एम.एम. नासिरुद्दीनआ बुंदों दि, होखारजानाय गाहाइ मन्थि शेख हसिनानि आवामि लीगआ बिसायख'थियाव बाहागो लानो हागौ जेब्लासिम सरकार एबा न्यायपालिकाया हेंथा होया। गाहाइ बिसायख'थि आय'गगिरिया (सीइसी) समबारखालि चटगांव साकिट हाउसआव बिसायख'थि



मावख'गिरिफोरजों मोनसे मेलआव बे बाथाखौ बुंदोंमोन। ए.एम.एम. नसिरुद्दीनआ बेखौबो खोथा होदोंमोन दि, बिसायख'थि आय'गआ आबु उदासिजों सालायो आरो जेबो बायजोआरि नारसिनथायजों मोगा-मोगि जाया। जों मोजां आरो पारदर्शी बिसायख'थिखौ रोखा खालामनो थाखाय गोनांथार राहा लानो थाखाय रादाय होनाय। सी.इ.सी.आ सिगांनि बिसायख'थिफोराव न'खाय भट होग्राफोरनि आयदाखौबो गनायदोंमोन आरो भट होग्रा रेबथुमनायाव गोर्नैनायनि थाखाय भट होनाय खान्थियाव फोथायथि गैयैखौ दायनिगिरि खालामदोंमोन। नसिरुद्दीनआ बुं'दोंमोन दि, बिथाड थाबेनो भटार फारिलाइखौ आपडेट खालामनो

सानथांखिनि बागै फोरमायदोंमोन। बे खामानिखौ द' दाननि गेजेराव फोजोबनायनि आसा दं। बिथाड बुं'दोंमोन दि 5 आगस्तनिफ्राय बिसायख'थियाय आयदाफोराव हायुंआरि गोरोबलायनायखौ बां'होनायाव मख'जाथाव दावगानाय जादों। बे बोसोरनि बिसायख'थिया सिगांनि रोखोमाव जानाय नड। साननैसो सिगां, बारग' गाहाइ मन्थि खालिदा जियानि बांग्लादेश नेशनलिस्ट पार्टीआ बुं'दोंमोन दि, गाहाइ बोसोनगिरि मुहम्मद युनुसनि बाडयसिन भट होनायनि बैसोखौ 17 बोसोर थि खालामनो बोसोन होनाया बिसायख'थि आय'गनि सायाव नारसिनगोन आरो बिसायख'थि बिखांथिखौ गोबाव खालामगोन।

## गोदान बोसोराव भारतआ गोबां जेंनाजों मोगा-मोगि जानांगोन

गोदान दिल्ली, 1 जानुवारि: गोदान बोसोराव भारतआ भुमखौराडरि जेंनाफोरजों मोगा-मोगि जानांगोन आरो नख'रारि बेसेन बांनयखौ हमथानांगोन। सरकारा गावारि सेक्टरखौ गावनि खरसाखौ बांहोना थाखाय नारसिननांगोन, मानोना मुलुगनि बयनिखुइ गोखैसिन जौगानाय गाहाइ रांखांथिया 2025 माइथाइयाव बांसिन दाजाबारि जौगानायनि मिजिंथिदों, जाय सेप्टेम्बर दानथामनि लासै जानायखौ सोलायगोन।



आर.बि.आइ. रांखांथिगिरिफोरा बुं'दोंमोन दि, 2024-25 माइथायनि थामथि दानथामनि (जुलाइ-सेप्टेम्बर) गोजौ

फ्रिकुयेन्सि दिन्थिगिरिफोरा दिन्थियो दि, रांखांथिया मोजाडव फेगासिनो दं, जाय गोखों फोर्बोआरि मावथाय आरो गामियाय

गोनांथियाव दिदोमै जौगानायनि जाहोनाव जागासिनो दं। भारतनि रांखांथियायारि जौगानाय जुलाइ-सेप्टेम्बरआव 7

दानथामनि गाहायसिन 5.4 जौखोन्दोसिम लासै लासै जादोंमोन। बबेखानि, रांखांथि मन्थि निर्मला सितारमनआ बेखौ मोनसे 'अरायथा नडिहेंथा' होनना बुंदों। रांखांथि बिफान आरो आर.बि.आइ.नि गेजेराव जौगानाय आरो बेसेन बांनयनि दान्थे-बिदान्थेयाव गोरोबलायैनि अनगायैबो, बयनिबो मेगना फेबुवारियाव जाथावना हार खामायनायनि सायावबो थागोन, जेब्ला गोदान गभर्नर सन्जय मल्लत्रानि दैदेनायाव मिरुआरि बेंकनि राडरि खांथि

आफादआ गिबि खेबनि थाखाय जथुमगोन। कमिटिआ 2025-26 माइथायनि मिरुआरि बाजेटनि उनावनो मदि 3.0 सरकारनि रांखांथियायारि आरो राडरि रडमेपखौ बेखेवनो थाखाय जथुमगोन। गुबैयै मुलुगनां जेंनाफोर आरो आमेरिकायाव डनाल्ड ट्राम्पनि सिगांनि हादतगिरिनि बिथिडव। रोंगसाफोरा फोथायो दि, भारतनि मिजिंथिफोरा गोजों मानोना इकनमिक गुदि बिथाफोरा गोखों जानानै दं।